



kat.komp.

39013

P

30

35 Key

NO NO

conventus  
causa

of Spain  
Gutierrez  
St. Carlos  
Pg.

revenue to the  
Liberation  
of the  
people

Women  
of the  
of the  
of the

8883.

Foot. pol.

<sup>23</sup>  
QUADRIGA

SACERDOTUM

AD CÆLUM,

SIVE

PRÆDESTINATIO

SACERDOTALIS,

Per Quatuor Novissima jugiter

expensa, 1893. T. 62

AUTHORE

R.P. MICHAELE RYCHALSKI,

Pœnitentiario & Seniore Psalterista-

rum, Ecclesiæ Cathedralis

Vladislaviensis.

---

S. HIERONYMUS.

*Legant prius, & postea despiciant, nè vi-  
deantur non ex iudicio, sed ex od-  
sumptione ignorati. damnati.*

Permissu Superiorum

Anno Domini M. DC. LXXXVI.

*Habac. 3.*

Quadrige tuæ Salvatio.

*Sap. 7.*

Memorare Novissima tua, & in  
æternum non peccabis.

*S. BERNARDUS.*

Novissima sunt quatuor. MORS,  
IUDICIUM, GEHENNA, GLO-  
RIA. Quid horribilius Morte? quid  
terribilius Iudicio? quid intollerabi-  
lius Gehenna? & quid jucundius  
Gloriâ? *In Serm.*

*D. AUGUSTINUS.*

Qui novissima non provident, in  
Mortem & damnationem vadunt.

*Tom. 9. Spec. peccat. c. 1.*

PER-

39013.T.

PERILLUSTRI  
ET  
REVERENDISSIMO  
DOMINO, DOMINO  
BALTHASARI,  
ALEXANDRO  
GISSA. J. V. D.

GNESNENSI, WLADISLAVI-  
ENSI, VARSAVIENSI CANONI-  
CO. DECANO VOLBORIENSI.

*In Spiritualibus* VICARIO,  
OFFICIALI GENERALI VLADIS-  
LAVIENSI S. R. M. SECRETARIO,

*Domino & Patrono Colendissimo.*

P. F.

**E**St illud illustre, atque  
ad Regiam Virtutem con-  
nitentium animorum Symbo-  
lum, finem humanarum rerum  
suo exitu ac fine contempleri,

Perillustris & Reverendissime

Domine. Quantum enim illud  
bonum hominis in malis devi-  
tandis situm, quod Siracides  
ingerit: Memorare Novissima  
& in æternum non peccabis.  
De quo haud ignobilis apud  
S. Augustinum Commentator  
in speculo peccator: c. i. inquit:  
Consideratio hujus sententiæ  
destructio est superbiæ, extin-  
ctio invidiæ, medela malitiæ,  
effugatio luxuriæ, evacuatio  
vanitatis & jactantiæ. Quibus  
cum à vitiis longissimè absis,  
Novissimorum curam tuæ in-  
fram menti dubitare nequa-  
quam possum. Docet hoc ex-  
cellens tua demissio ac huma-

nitatis

nitas quâ ut Summis impensè  
places, ita ad minimos quos-  
què benevolentiam ac benefi-  
centiam, Prælato dignam inclina-  
ris: docet prudens clemensque  
propter eximiam Theologico-  
rum Canonorumque Dogma-  
tum notitiam Ecclesiasticæ Rei-  
publicæ in Vicariatu Spirituali  
& Officialatu Generali Vladi-  
slaviensi moderatio; docet li-  
beralis erga inopes, Religio-  
sasque familias munificentia:  
docet remotus ab omni arro-  
gantiam invidiamque vitio mi-  
nimè Malus, Vacansque dolo  
animus: docet continentis ca-  
stigateque vitæ, procul omni  
luxu luxuriâque ac vanitate mo-

destia ; quæ citrà Novissimorum meditationem, vix homini in dignitate ac libertate supra commune Mortalium Vulgus eucto persuaderi potest. In cæterarū Virtutum Tuarum denarratione non demorabor. Sat sit ad amplitudinem laudis decorâsse Nobilitatē Majorum & illustrâsse vitæ propriæ luce Perillustres. Accipiat ergo PERILLUSTRIS & Reverendissima Dominatio, Opusculum hoc eo animo ac benevolentia, quâ aliorum Clientum suorum, obsequia admittere consuevit, & ut idipsum subjectis Sacerdotibus ad finem præfixum obtinendum innotescat, authorita-

te suâ efficere dignetur: Interea  
ut DEUS, eandem inter tot la-  
bores ac conatûs diu salvam in-  
columemque servare, atque  
per ipsius Zelum & operam,  
Divinæ suæ gloriæ & Ecclesiæ  
suæ commodum & augmen-  
tum, copiosè promovere Velit,  
ex animo voveo.

*Perillustris & Reveren-  
dissimæ Dominationis.*

Deditissimus Servus

*Michael Rychalski Pœnitentia-  
rius & Senior Psalteristarum,  
Ecclesiæ Cathedralis Vladista-  
viensis.*

AP.

# APPROBATIO.

**L**ibellum sub titulo : *QUA-  
DRIGA* Sacerdotum ad  
Coelum, in Quatuor Novissimis,  
accuratè satis, ab Admodum Re-  
verendo Domino Michaele Ry-  
chalski, Pœnitentiario & Seniore  
Psalteristarum, Ecclesie Cathe-  
dralis Vladislaviensis Constitutum,  
legi diligenter, atquè typis evul-  
gandum, ad usum boni Spiritu-  
alis. Die 7. April. Anno Domini 1682.  
permisi.

Christophorus Bernevicz S.  
T. Doctor, Canonicus &  
Surrogatus pro tunc Offi-  
cii Vladislaviensis.

PRÆ-



# PRÆFATIO

## *Ad Sacerdotes.*

**I**N *Amalthea* capræ pelle fingebant fabulæ se legere *Diphtheram* *Jovis*, res futuras indicantem. At verò *Diphthera* prædestinationis Sacerdotalis est liber *Quatuor Novissimorum*. Est volumen quatuor foliorum. Primum ejus folium est *Mors*; Secundum, *Judicium*; Tertium, *Infernus*; Quartum, *Cœlestis Gloria*. Hæc *Diphthera*, hic liber quotannis per quatuor anni tempora est perlegendus; ita, ut singula folia sibi vendicent tres *Menses*, quibus ea legas attentè, & facias id quod suadet *DEUS* *Eccl.* 7. In

## PRÆFATIO.

In omnibus operibus tuis memorare  
Novissima tua; & in æternum  
non peccabis. *Ubi alii in Bibliis*  
*Versionum legunt:* In omnibus ver-  
 bis tuis memor sis mortis. Hoc  
 enim est signum prædestinationis tuæ ne  
 damneris. Crede S. Ambrosio, &  
 cum illo DEUM ora sic: Illud magno-  
operè peto: diem obitûs, diem extremi  
iudicii, damnationem extremi supplicii,  
beatitudinemque Regni futuri semper  
meminerim. Quod nemo indefinenter  
potest, nisi qui ad vitam præordinatus  
est æternam. Nemo nemo id faciet, nisi  
præordinatus. Præordinatus erat D.  
Bernardus, quia inferni semper me-  
mor fuit, dum clamaret ad Jesum:  
Ne permittas me damnari, quem tu de  
nihilo creâsti. Præordinatus S. Au-  
gustinus, qui sic orabat: Domine per  
sanctissimas pœnas tuas, quas ego indi-  
gnus

## PRÆFATIO.

gnus recolo, & per Sanctam Crucem & Mortem tuam, libera me à pœnis Inferni, & perducere digneris, quò perduxisti latronem tecum crucifixum. Præordinatus erat. S. Philippus Neri, qui solebat dicere: Qui non it ad infernum vivus, periculum subit ne eat mortuus. Prædestinatus deniquè S. Chrysoftomus, qui verbo & exemplo, hanc Novissimorum memoriam instanter commendabat. Unde fertur ipse imaginem pictam in muro sui cubi- culi habuisse, solebatque dicere: Nemo eorum qui gehennam ob oculos habent in Gehennam incidet (en signum præ- destinationis) nemo contemnentium Ge- hennam effugiet. Episcopi, qui gregem verbo DEI pascere tenentur, hoc à Consecratore accipere solent documen- tum in sua Consecratione: Annos æ- ternos in mente habe; quibus ver-  
bis

## PRÆFATIO.

*bis commonentur, ut continuam æternitatis, vitæque futuræ foveant memoriam, hocq̄ punctum omnes sibi commissos edoceant, populos, ut illis præluxit S. Pachomius, qui longam exhortationem his terminavit verbis: Ante omnia præ oculis habeamus ultimum diem, & momentis singulis æternorum dolorum supplicia formidemus. Jam verò non commoveri ad virtutem, vel non amoveri à peccato Novissimorum commemoratione aut lectione; signum esse reprobationis Ludovicus Granatensis asserebat: Si quis, ait, ad hæc ipsa quæ dicimus (nimirum de die judicii) torpet & languet, nihiloque magis afficitur, quàm si hæc omnia ad illum minimè pertinerent, vehementissimum hoc cæcitatæ, obdurationis, & reprobationis argumentum est. Conc. 1. Dom. 2. Advent: Cave igitur ne sis*

PRÆFATIO.

*sis è cæcis. Nam ut scribit gemens S. Cyprianus lib. 1. ep. 3. Illorum flenda & lamentanda conditio est, quos sic diabolus excæcat, ut æterna Gehennæ supplicia non cogitent. Ergo in omnibus operibus tuis, memorare Novissima tua, & in æternum non peccabis. Eccles. 7.*

*Ultima si Viæ mortalis fata resolves:*

*Omni criminibus tempore liber eris.*

*Sapius extremi si Judicis ora resolves:*

*Omni criminibus tempore liber eris.*


*Sapius Inferni pœnas si mente resolves:*

*Omni criminibus tempore liber eris.*

*Deniq; cælestis spectes si gaudia Regni:*

*Omni criminibus tempore liber eris.*


*De libro et gloriâ sancti  
Spititus sancti Sacrae  
Unitatis Apostolicae Notarum  
Publici m. CA-*



Adam Stan Spiantowski  
Sacrae Auctoritatis Doctori  
Notarius Publicus  
hocce Libello obsequia d. Augustini  
dedit.



Heb  
eri  
24  
um  
tur  
Sac  
in



# CAPUT I.

## MORS

*Sacerdotis terribilior.*



Tatutum est omnibus hominibus, proindequè omnibus Sacerdotibus semel mori. Inquit Apostolus ad Heb. 9. In hoc enim naturæ debito, erit sicut populus sic Sacerdos. *Isai.* 24. Mors, inquit Philosophus, omnium rerum est horribilis, sed Sacerdotum horribilior. Moriendum igitur Sacerdoti est, qualiscunquè sit, Mortis in eum sententia prolata est, sed quo tempo-

*Soli  
proli  
ra  
Augu*

tempore? Quâ horâ? serò, an mediâ nocte? an galli cantu? an mane? *Marci* 13. non constat. Nihil certius Morte, nihil incertius eius horâ: inquit *Origines in Lib. 6. numer:* Poena certa est, hora incerta, moriendum tamen est, idquè semel tantùm, si pluries, si bis, quod unâ Vicè deesset, suppleretur alterâ: sed statutùm est, semel mori. Alia DEI statuta violant multi: & fortè tu quoquè aliquod ex iis violâsti: sed hoc implere debebis, cùm ille volet. Interim ex illo Mortis momento, salutis vel damnationis pendet æternitas.

*S. Augustinus Ser: 102. de temp,* Solerter observabat vocabulum hoc *Mors*, suum ethymon à *Morsu* derivare: à primo etenim Protoparentis nostri morsu, *Mors* in orbem intravit, ac propterea inquit: *Mors à Morsu nomen accepit.* Sed eheu! hic morsus amarissimus, quo arctissimum corporis & animæ vinculum, aded violentè disrupti

rum  
tren  
tus f  
gum.

intro  
ne m  
tro  
verb  
dici  
diob  
ri, P  
Apo  
vest  
Virg  
Lib  
dum  
26.

17.  
ele  
urg  
gis  
qua

rumpitur, ut Rex ille Agag, inter extremam hanc luctam Vociferari auditus sit: *Siccine separat amara Mors.* 1. *Regum.* 15.

*Petrus Blesensis, ser. 3. de S. Nicolao,* introducens Ecclesiam DEI, filios suos ne mortem timerent, exhortantem, introducit pariter & filios eidem hisce verbis respondentem: Quid est: quid dicis Mater? Nemo carnem suam odio habuit; etiam Christus horruit mori, Petrus ductus est ad Crucem nolens, Apostolus optat, si fieri posset supervestiri non spoliari. Quid ergo faciet Virgula campi, ubi concutitur Cedrus Libani! Omnino opus Mortis horrendum divortium. *teste S. Bernardo Serm. 26. in Cant.*

*Hinc S. Gregorius. lib. 24. Moral. c. 17. ait:* Sæpè crescit pavor mortis in electis vicinâ retributione justiciæ, & urgente solutione carnis, quanto magis districtum Judicium, jam jamque quasi tangitur, tanto vehementius formidatur.

midatur. Et si ea quæ sciunt, nunquam prætermisisse meminerunt, formidant tamen illa, quæ nesciunt; quia videlicet semetipsos dijudicare, & comprehendere omninò non possunt, atque urgente exitu subtiliori terrentur metu.

*Isaie 38.* Dum Ezechia Regi Propheta jam adesse mortem nuntiaret, ad dispositionemque Domûs suæ exhortaretur dicens: *Dispone domui tuæ quia morieris & non vives.* Expavit, & totus confusus, convertit faciem suam ad parietem, & fleuit Ezechias fletu magno. Hic *s. Hieronymus* sistit ac pedem suæ contemplationis firmans, sic ait: Certè justus erat Ezechias & corde perfectò. Iturus erat ad Dominum plorare non debuit, ac si diceret: Miror causam mæroris ac fletûs Sanctissimi hujus Regis; DEUS ipsum per Prophetam ad nuptias æternæ invitat gloriæ, attamen plangit & flet, sed quæ causa tanti mæroris? respondet Sanctus Doctor: Quæris rationem fletuum

fletum  
miram  
Ezech  
ejus  
pulo.  
geli  
poter  
vel a  
time  
catis  
quar  
mor  
esse  
O!  
coru  
vel n  
perf  
to  
vitiu  
sequ  
in de  
tion  
trad  
iplo

fletuum? Si cogitaveris hominem non miraberis causam doloris. Sanctus erat Ezechiel Rex, opera ejus Sancta, vita ejus sine macula, coram omni erat populo, sed hæc opera hominis, non Angeli erant, fragilitati humanæ subjecta; poterant esse maculata ex intentione, vel alio fine non ita recto patrata, ideo timet cognoscens se miserum & peccatis subjectum. Quòd si Ezechias in quantum homo & Rex adeò timuit mori, & Sacerdoti qui vitâ Angelus esse debet, mors non erit terribilior? O! quàm funesta, quàm horrenda mors eorum, qui in Ecclesiasticis ordinibus vel muneribus constituti, infideliter vel perfunctoriè se gesserunt; qui neglecto DEI cultu, & Ecclesiæ obsequio, vitiis se immerferunt, cupiditatibus obsequuti sunt, & carnis curam fecerunt in desideriis. Venient tunc in cogitatione peccatorum suorum timidi, & traducent illos ex adverso iniquitates ipsorum, & erunt decedentes sine honore,

nore, & in contumelia inter mortuos in perpetuum. Sap. 4.

At quæ tunc angustia, quis animi cruciatus, quis terror miserum Sacerdotem invadit? cum & præteritæ vitæ tam inutiliter, tam culpabiliter impensæ recordatur, & mortis instantis acerbos dolores perſentit, & proximè futuri iudicii exitum perhorreſcit. Nam ut ait D. August. Tract. 38. in Joan. Sæpissimè antequam agat pœnitentiam, iusto DEI iudicio in peccato moritur, ut mors sit vitæ sceleratæ consentanea. Dominus enim (inquit Olearius in c. 23. num.) non consuevit dare mortem iustorum, nisi iustis; sicut nequè mortem impiorum, nisi impiis.

Sanctus Bonaventura similitudini insistentis everſioni Hierosolimitanæ, ait: Dæmones animas circumdant in mundo, coangustant in extremo, proster-  
nunt in Inferno. Circumdant in ten-  
tatione, coangustant in expiratione,  
prosterunt in damnatione. Dominica

9. post

9. p.  
S. D.  
quer  
rara  
volu  
prin  
viri

Scri  
Ora  
tum  
te m  
ritis  
pos  
inflig

Etissi  
peri  
Prin  
nec  
ris,  
me,  
Tom.

9. post Pent. Sub hoc inimico (inquit S. Damian. ser. de S. Martino) casus frequens & respiratio difficilis: de hoc rara, & nunquam secunda victoria: huic voluntas semper iniqua, & fallendi principatus. Ideo sanctissimi etiam viri in hora mortis illum timuerunt.

D. Bernardus Morti jam vicinus, Scribit ad Hugonem Bonæ Vallis Ep. 310. Orate Salvatorem, ut tempestivum exitum non differat, sed custodiat. Curate munire votis, calcaneum nudum meritis, ut is qui insidiatur invenire non possit, ubi infigat dentem, & vulnus infligat.

S. Eligius Noviomensis Antistes Sanctissimus, in extremis positus sic oravit: Aperi mihi properanti januam vitæ, & Princeps tenebrarum non occurat mihi, nec conturbent me potestates hujus æris, sed clemens dextera tua protegat me, & potentia tua defendat me. *Surius Tom. 5.*

B. Philippus Benitius Fundator Religionis

gionis Servorum B. MARIE V. legitur in agone mortis suæ, terribilem quandam habuisse visionem, in qua sibi se coram tribunali DEI præsentari videbatur, ubi Dæmon leves defectus nonnullos ei improperabat, ut eum ad desperationem induceret. *Vita ejus.*

*Joannes Thaulerus* Notæ perfectionis homo, Morti vicinus, cæpit gestus terribiles ac paventes edere, impatienter luctari, fremere, ac velle fugere, nec posse; hûc illuc manus jactare, oculos sædum intorquere, aspectu esse formidabili: ut vitæ ejus historia scribit. Quidam verò amicus hoc spectaculo perterritus in longinquam se contulit Regionem, tertiâ autem itineris sui nocte audivit vocem: *Ne metue; ego sum amicus tuus antè triduum mortuus; ex qua Thaulerum agnoscens, interrogavit ubi esset? cui Thaulerus: ita Judex in me fieri decrevit, ut ad beatitudinem tantò expeditiùs transirem, quantò in morte difficiliùs pugnarem. Et revera in eas me angustias*

*stias  
ac p  
vide*

*non  
culo  
set,  
curu*

*Quo  
nerg  
suis  
lam  
clam  
giosos*

*bi à  
Cun  
auter  
tame  
in co*

*ri po  
lis Be  
Vince  
hist.*

*stias cacodæmones adduxerunt, tam subtilibus ac prævalidis fallaciis impugnârunt, ut mihi viderer desperationi proximus.*

*Platus lib. 1. c. 31.* Scribit de Cuno qui cum quadraginta annis in seculo, secularibus planè moribus vixisset, religiosam deinde disciplinam secutus, triennio post piè defunctus est. Quo tempore narravit dæmon, qui energumenam obsidebat, se, & alios ex suis ad quinquè millia in morientis Cellam convenisse; sed repulsi, ut ajebar, clamoribus validis tonsuratorum, *Religiosos appellabat*, adjecitque insignem sibi à DEO injuriam factam, quòd cum Cuno annis 40. ipsis dæmonibus, DEO autem tribus duntaxat servisset, hanc tamen prædam suis unguibus ereptam, in coelum evolâsse.

Quin etiam quod mirabile videri possit de calcatrice serpentis infernalis Beatissima DEI. Genitrice, refert *Vincentius Belluacensis lib. 7. c. 79. spec. hist.* & ante ipsum alii complures, eam  
Filiam

Filium rogâsse ne videret in transitu suo ex hac vita, malos Spiritus; & prout petierat, impetrâsse.

Quòd si tot Sanctissimæ personæ hunc extremum dæmonis conflictum usquè adedè exhorruerunt, quid nobis miseris statuendum erit, quorum tota vita peccatum frequens, rara pœnitentia, exilis justitia est. Obstupesce super cæcitate tot infelicitum sacerdotum, qui de istis nunquam cogitant; vide ne de illorum numero sis, cumquè statutum sit semel mori; nequè possis corrigere errorem semel malè moriendo commissum, disce bonæ mortis industriam variam, à variis, disce etiam ab illis, qui malè obierunt supremum diem.

*Joannes Baptista Scortia, lib. 2. c. 2.*  
de Missa, meminit impuri cujusdam sacerdotis, qui à Bonæ Vallis Religiosis in familiari sermone sæpè admonitus, nihilo tamen melior, in morbum tandem incidit. Agone imminente, succurre

curre aiebat ad Cænobii Priorem ut vo-  
cant succurre! deprecare citò Dominum;  
ut erripiar his leonibus, hiante ore ac ri-  
ctu in me irruentibus. Oravit Pater:  
impurus ille liberatus est: nequè ta-  
men resipuit. Nempè qui ad extrema  
differunt pænitentiam, tùm fiunt duri-  
ores. Vix elapso horæ spatio (quod  
certè ad pænitentiam illi concesserat  
bonus Deus) alia omnia, & nihil mi-  
nùs, quàm de resipiscendo cogitans,  
iterùm repentè in has voces erupit:  
Festina, a diua, ora; si fortè ab hoc e-  
tiam igne, qui de cælo torrens inun-  
dans descendit, ut me comburat eripi  
valeam. Et nequè tunc de animæ sa-  
lute ulla cogitatio. Tum ab alto quo-  
dam silentio sibi redditus ac eiulans, ha!  
ha! aiebat, Ad iudicium æternum ra-  
ptus sum! & heu! æternâ morte dam-  
natus sum; traditusquè horrendis tor-  
toribus igne inextinguibili perpetuo  
cruciandus. Ecce ignita sartago, quam  
ad me frigidum succendunt. Cessa  
jam, cessa orare pro me, nullatèus ex

audiendus. Patri vitam illi, adeòque pœnitentiæ locum, adhuc esse dicenti, & dolorem inculcanti; Tu, ait ille infelix, tu putas me insanire. Non insanio, non. Et dùm hæc loqueretur, inquit author, gutta illius ignei humoris de sartagine exiliens in manum eius, vidente Priore cutem & carnem usq; ad interiora ossis consumpsit. Impurus verò æger, acri cùm gemitu: En inquit indubia rei probatio! & reflexâ cervice, animam tradidit Spiritibus condemnatis. Mors peccatorum pessima. Si gutta inferni talis est, quid est, Oceanus? Disce hîc etiam castitati tuæ providere, mortis pulvere meditato.

In revelationibus *S. Brigitte* de libidinoso quodam Sacerdote refertur, quòd cùm sæpiùs sed incassum ad se emendandum monitus fuisset; audierit, ut cum die quadâm ad pascendum equum in pratum suum concessisset, plura cœlitùs dilapsa fuerint fulmina, quæ

quæ ei percusso subitam intulerunt mortem, & quidem ut manifestum fieret supplicium, hoc ei in suæ impudicitæ & libidinis pœnam accidisse: toto corpore ab ignibus illæso manente, solæ arserunt & consumptæ sunt partes genitales. Lib: 2. c. 2.

*S. Petrus Damiani Lib: 5. ep: 16. de Clerico dicto Zeuzolino scribit, qui dum urbs flagraret incendio, in una domo cum pellice sua repertus, utriquæ simul igne consumpti.*

*Cuylcus Episcopus. Buremund in Speculo concubinarum scribit de Parocho quodam gulæ & concubinatui dedito, qui cum moneretur ut resipisceret, respondebat se de salute securum esse, nec habere opus, nisi quinquè verbis: Deus propitius esto mihi peccatori. Sed vanam fuisse spem, exitus probavit. Cùm enim quadam vice è popina temulentus domum rediret, dæmonem in hirci specie in itinere obvium habuit, quem cum verbis &*

attactu mulceret, irritatus hircus irruit in eum, & inguinaras partes cornibus petens, lethalem ictum inflixit, quo vulnere in terram concidit, amisso mentis usu. Ad spectaculum inter multos accurrentes, fœmina muta non sinè miraculo Pastorem allocuta: *Eloquere nunc quinquè illa verba quibus salutem tuam securam dicebas?* Ille verò statim è vivis est sublatus.

*Joannes Dominicus Ottonellus*, in libro, nonnulla monita circa periculosam conversationem continente, scribit anno 1628. Parochum quendam fuisse, qui cum constantè concubinam aluisset, tandem gravi & periculoso morbo oppressus est; ad quem cum Notarius Vocatus ad testamentum faciendum hortatus fuisset, nihil aliud, quàm has voces: *ah! istæ meretrices;* expresit. Unde cum, re infectâ abiisset, iterum sequenti manè eius concubina ad ipsum venit, eiquè cum insolito tremore narravit, se à Parocho isto

isto paulò ante mortem . vocatam , &  
 tres fellas , proximè ad lecti spondam  
 collocare iustam esse , quo facto , cùm  
 ipsa nonnihil ad latus secessisset , ipsum  
 cum aliis , quos tamen illa non viderat ,  
 collocutum , postea ad ipsam acceden-  
 tem dixisse : *ibimus* ; illâquè respon-  
 dente , in villam *ibimus* , si valetudi-  
 nem recuperaverimus , iterum subiecisse :  
*ibimus non in villam , sed ad infernum* .  
 Et scias mecum tres ex Orco , dæmo-  
 nes hîc consedisse , qui decretoriam da-  
 mnationis sententiam denunciârunt ;  
 quibus verbis cum turbata exivisset ,  
 paulò post audita horrendâ vociferati-  
 one , rediisse in cubiculum , & Paro-  
 chum mortuum invenisse , sulphureum  
 fatorem tam gravem exhalâsse , ut pæ-  
 nè exanimis fuerit prostrata .

Cracoviensis quidam Prælatus  
 Nobilissimo ex genere oriundus , cùm  
 ad arcem quandam profectus , post cæ-  
 nam opiparè sumptam remotis mensis ,  
 omnes præter concubinam , cum qua

multis annis libidinem suam expleverat, ex conclavi exivisse jusisset, inchoato noctis primo silentio, concubinâ ad satisfaciendum naturæ egressâ; à nonnullis viris tetrîs, nigris, proceris, & flammâ vomentibus, cubiculum ingressis, tam crudeliter interemptus est, ut famûli qui januam nullâ vi referare poterant, tandem per fenestram ascendentes, eundem diû frustra quæsitum, tandem sub lecto instar globi convolutum, ex toto sanguinolentum, nigrum, informem, & abominandum, omnia ossa contracta, humumquè lectum, & parietes, recenti cruore madidos & fædatos repererint. *Idem ex relatione Polon. 1642. facta.*

*Joannes Kokfort, Bossoviensis Parochus, poculis plus æquo addictus, cum die quadâm, cum Nobilibus duobus & propinquis à potu remulentus rediret, arripiens lagenam vino plenam, Nobilem provocat, ut uno haustu illam ambo evacuarent; recusante verò altero,*  
ego,

ego, inquit, sum: Sacerdos & Pastor, tu verò Nobilis & sæcularis, non audebis mihi de tantillo potu respondere; Nobilis ergo irritatus, age, inquit & ebibe prius, ego sequar. Dum ergò lagenam fermè evacuavit Sacerdos retrorsum cecidit, quasi mortuus, & statim in lectum delatus, crepuit medius, ac die sequenti extinctus est. *Olivarius in relat:*

Anno 1550. Magnus pro pulpitis & Cathedris, tum Theologus, tum Ecclesiastes, adiit occasionem obscenam; laxavit fræna carnis licentiæ: & sceleri proximus, viso horrendo Molesto, perpauesfactus quidem est, tamen contempto monstro, in lubricum scelus ruit. Sed spectrum illud ipso prostibulo id spectante sceleratum illum è fædis reæ feminae amplexibus avulsum, atquè abreptum mordicis, & morfu, & ungue humi prosternit: tanto quanto potest dentium ac pedum nisu, in supinum deiecti pectus grassatur, perfodit, scrutatur, dillacerat, ipsumquè cor se-

de sua avulsum, ac divulsum, in partes, devorat. Vidit hæc tremens scortum cadaveris lacerati, & familia expectabat. Sed lupam illam tragediæ nuntiam voluit DEUS ut resipisceret. Ergo manè anhela ad Sacramentum penitentiae advolat; rem enarrat. Adiit locum, is, qui sceleratum sæpè, sed nullo exitu monuerat è cœnobio Sacerdos: & funestissimum Divinæ vindictæ theatrum vidit: hominem agnovit: pectus horridè sine corde hians introspexit. *Hautinus de Euchrist: Num: 492.*

Ex Antistis in Gallobelgica hæc narrantis ore constat, id quòd ante annos non multos contigit, & est: Sacerdos in pago, seu curio, ancillæ turpiter familiaris, paulò postquam illa è sacrilegio peperisset, Sacramentis expiatus obierat diem. Adhuc in lecto erat cadaver, cùm adrepens horrendus bufo, super eius cor consedit, cum timore adstantium. Compertum est, quòd

*Ex Empylum*

quòd post obitum, ab eo pœnitentiæ  
Sacramentum, ancilla spurium ad  
eum attulerit. Cor oblcænum Dæ-  
monum hufonum, deliciæ. Idem ibid:

*Joannes Persyn Religiosi ordinis de-*  
*sertor, fertur: Anno 1616. Duaci re-*  
*pertus in suo cubiculo trucidatus, &*  
*extractum cor è visceribus manu ten-*  
*ens. Pater Nadasi.*

*S. Elphago Cantuarie Archiepiscopo*  
*spectante, unum quempiam, quem in*  
*ascetorio habebat, hominem corporis*  
*& gulæ commodis apprimè addictum,*  
*tres dæmones noctu, taureis & ignitis*  
*serpentibus cecidère; ac illi misericor-*  
*diam imploranti, respondère: Non ces-*  
*samus, non obedimus tibi, quia non obedi-*  
*sti DEO tuo. Ita illi inter flagra, tristi-*  
*nam animam extorsère. In vita eius*  
*19 Aprilis.*

Moriebatur in Anglia vir opini-  
one suâ quidem religiosus, at linguâ  
non item, adeòquè cujus vana fuerat  
religio. Audax in mores aliorum acer-

bius, nec levitèr perstringendos, famamquè traducendam illi erat lingua & licenter dicax. Monebatur, ut vitâ præteritâ expiatâ, futuræ vitæ per exomologesim consuleret. sed ille sinè ullis ambagibus desperantèr: *non faciam*, inquit: Urgebant illi; ecurr id nollet, quod in æternitatis limine jacenti, adeò è re fore sat sciret. *Quia non possum*, ait æger. Adhibebantur apta supremo illo tempori argumenta, at ille exertam horrendùm linguam, digito pulsans: *Ista inquit, lingua pessima me damnavit*, dixit: & intumescente adeò, ut redire in os non posset, reâ linguâ infelix jacuit, & funestam animam eiecit: linguâ post mortem etiam extra os exporrectâ, & tetrum in modum tumidâ relictâ. *Kærnaus Dominic: 2. Advent: num; 21. è Vetr: Author.*

*D. Bonaventura Præcept: 5. refert ideotam Eremitam illusum à dæmone, qui ei suavit, ut illud peccatum eorum, in quorum manibus iniquitates sunt, peccatum*

catum Onan morte repentinâ percussî  
*Gen: 38.* (quo inquinatos, molles ap-  
 pellat Apostolus) nè putaret esse pec-  
 catum. Persvasit, & ille in vitio illo  
 vivebat sordidus; ac in eo volutabatur  
 ut porcus, licèt asperam vitam duceret.  
 Morientis animam rapuit idem con-  
 sultor dæmon, Miratus est alius Ere-  
 mita hominem vitæ adeò austeræ fuisse  
 damnatum: sed respondit Angelus;  
 eum ob voluntariam illam, ac DEO  
 detestatam fæditatem fuisse damnatum.

*Nebridius Canonicus Regularis S.*

*August: in suo Antiquario Epist: 86. scribit.*  
 De Francisco Burgundo ex ordine Ca-  
 puccinorum, cujus desperatæ mortis  
 plures fuere Mauriani in Sabaudia  
 Cænobij Religiosi spectatores. Aie-  
 bat is in morte, se superioris munus  
 ambivisse, atquè ad illud per hypocri-  
 sim adrepisse; Ut variâ hospitum oc-  
 casione, lautius gulam suam haberet.  
 Idcirco aiebat vitam suam omnem fu-  
 isse ambitionem, gulam, hypocrisim:

se fuisse Iudam, esse damnatum. De-  
flebat suos bolos, & honores; & abie-  
ctis è manica cereo Agno DEI, rosa-  
rio, ac regulis ad singula exclamavit :  
*Damnatus sum! in æternum! in æternum!*  
Et adhuc altiùs gemens, eiulans, excla-  
mans dixit: *O in æternum!* Et infelici  
morte horrendam æternitatis suæ do-  
mum ingressus est, mox extinctus.

In Flandria tres impuri ganeones,  
cum scortis suis altum stertentes, sub  
noctem effractis portis, viderunt Ca-  
codæmonem habitu venatorio intran-  
tem, & cum eo duos parvos cocos.  
Unus eorum lecto extractus, veru infi-  
gitur, & luculento igne extructo, spe-  
ctantibus fociis probè assatur, & nè  
visum inanem putes, manè collegam  
suum reperere omninò assatum, scio  
locum & ordinem, *inquit Delrius Dis-*  
*quisit: Magic: L. 3. q. 7. sec. 7.* Sed ut-  
rumquè silentio involvo.

*S. Bonaventura in Vita S. Francisci*  
*c. 12. De Canonico quodam comme-*  
*morat*

morat. luxurioso, qui infirmus fanitati à S. Francisco restitutus & monitus, ne ad vomitum rediret: ille verò monitorem contemnens, & iterum peccans, cùm in ædibus cujusdam Canonici cænaret, derepentè totâ domûs structurâ corruente, solus è convivis eâ ruinâ tactus, oppressus, & sepultus est.

Fuit & alter Canonicus juvenis, qui in juventute, à Magistro quodam suo peccatum mollitiei edoctus, quondam post cænâ cum consanguineis sumptam in lectum concessit, paulò post horrendùm clamare & auxilium implorare incipiens, cùm ad confessionem à vocato Decano, & aliis Canonicis excitaretur, terribilibus oculis, Decanum aspexit, dixitquè *Væ! Væ illi! qui seduxit me! ad quid Divinum adiutorium invocabo! ecce iam video patulum infernum, presentes Dæmones ad rapiendum me avidè inbiantes.* Et clausis oculis ab iis qui meliora suadebant faciem avertens, cum duris clamoribus animam

mam exhalavit. Ita Cantipratanus scribit Lib. 2. Apum c. 30.

Idem Author Lib: 1. c. 19. & sequenti, aliquot exempla refert his verbis: vidi ego, inquit: in Ecclesia Parisiensi, quatuor Archidiaconos sic defungi. Primus eorum de equo phalerato cecidit, & fractâ cervice expiravit. Secundus manens in Cathedra sedens mortuus est reperiens. Tertius in Choro stans, cum ad missam elevatio SS. Corporis Christi fieret, cecidit resupinus, & subtractâ loquelâ cum sensu, quasi brutum animal, tertiâ die sine Sacramentis defunctus est. Quartus Confessionem Sacramentaquè recusans, mortuus est, & extra Cæmeterium sepultus.

Non omninò improbatæ Vitæ erat quidam Pappulus, teste Gregorio Turonensi Hist: Franc. Lib: 5. c. 5. quem successorem acceperat. B. Tetricus Episcopus Lingonensis: cæterùm cum degeneraret à Maioribus suis, & anteaactâ vivendi formâ, deletus est de libro vitæ,

ræ, nequè sine prodigio: Anno enim  
 octavo Episcopatus sui, cum Diæceses  
 & villas Ecclesiæ circumiret, quadam  
 nocte dormienti illi apparuit B. Tetricus  
 vultu minaci, cui ita. *Quid tu, inquit,  
 hic Pappule! Ut quid sedem meam polluis?  
 Ut quid Ecclesiam pervadis? Ut quid oves  
 mihi creditas dispergis? Cede loco, relinque  
 sedem abscede longius à Regione.* Et hæc  
 dicens, Virgam quam habebat in ma-  
 nu, pectori eius cum ictu valido im-  
 pulit. In quo ille evigilans, dum co-  
 gitat quid hoc esset, fixè in loco illo  
 defigitur, ac dolore maximo cruciatur,  
 abhorret cibum potumquè & tertiâ  
 die cum sanguinem ore projiceret ex-  
 pirat.

*Trevirensis Frontonius, in ipsa, cui  
 cum scorto suo assidebat mensa, ab An-  
 gelo interfectus est ne Sanctum Epi-  
 scopi nomen scelerato scandalo per-  
 geret inquinare P. Nadasi: in Annam  
 Angelic:*

*De Zawissa Cracoviensi Episcopo in  
 Anna-*

*Annalibus Ecclesiasticis Anno 1382. apud Raynaldum legitur, quòd dùm in quadam Villa, seu prædio suo, cuidam Virgini loci illius vim inferre conaretur & eius pudicitiam contemeraret, confestim cecidit mortuus, cumquè cadaver illius cum solemnè pompa ad Ecclesiam Cathedralè sub noctem sepeliendum deferretur, funestus eventus sequens ibidem accidit, Ferunt enim auditos strepitus, & hinnitus equorum discurrentium, dæmonumque voces vociferantium: *Prosciscamur meretricatum.**

*Apud Cerdam de excellentium Spirituum c. 27. N. 16. è Ximènio & Vasconcello refertur Angelus in Simoniacum Coloniensem Archiepiscopum, Cælestè fulmen torfisse, quo ille in sede Pontificia ipso Consecrationis suæ die spectantibus omnibus absumptus conflavit.*

*Ibidem, Raynerius Episcopus Argentinæ vir in egenos durissimus,*  
ab

ab Angelo scissus est medius. Alter  
immisericors & crudelis Episcopus  
*Moguntinus*, *Hatto* nomine, à muribus  
consumptus fuit, de quo fusiùs postea  
diceretur.

Anno 1066. *Reginherus Misnensis*  
*Episcopus*, dùm suscepto Episcopatu Go-  
slaricam venisset, post refectionem in  
cubiculum, ubi thesauros tuos, quo-  
rum nimis amator erat, nullo conscio,  
infoderat, quasi paululum requiescere  
volens, sese inclusit. Cùmquè iam die  
vergente in vesperam, præter mo-  
dum consuetudinemquè suam, somno  
indulgere videretur, rem insolitam mi-  
rantes cubicularii, pulsare ostium cæ-  
perunt, sed nec pulsantibus nec voci-  
ferantibus ullum dabatur responsum.  
Tandem effractis foribus irrumpen-  
tes, invenerunt eum fractis cervicibus,  
colore tetro exanimem, ipsis thesauris  
suis mirabilem in modum incumben-  
tem. *Baronius ad an: 1066.*

Affine

Affine huic est, quod de quodam Diæcesis Cantuariensis, sacerdote scribit *Abrahamus Bzovius ad an: 1278.* Hic cum periculolè ægrotaret, Franciscanos aliquot fratres, quos de salute animæ suæ consuleret, accessit: qui cum properè accessissent, ille tempus extrahens; quoniam inquit de itinere fatigati estis, reficite paululum, ego verò paulò post vos evocabo. Dimissis interim omnibus è cubiculo, præterquàm puerulo quodam, eundem ad se accersens, aperi, ait, hanc arcam, ac defer mihi argenteum discum, quem in ea reperies. Erat autem totus auro & argento oppletus: quem acceptum & in sinu positum, fixo continuoquè obtutu, magnaquè cum voluptate intuens, acceptos nummos in os demittere capit. Ibi puer motum mente existimans Sacerdotem, citato cursu è solario, alios famulos advocaturus descendit: qui cum in continenti advenissent, repererunt hominem iam mortuum,

tuum, cadaver què illius prorsùs nudum,  
 humi proiectum, nummisquè quasi un-  
 dè quaquè contectum, quod spectacu-  
 lum ingentem terrorem omnibus spe-  
 ctantibus incussit, & ad detestationem  
 avaritiæ induxit. *Quàm verè dixit S.*  
*August:* Non potest bene mori, qui  
 malè vixerit, & vix bene moritur,  
 qui malè vixit.

Per mortem enim quæ est por-  
 ta æternitatis, ibit homo & quilibet  
 Sacerdos in domum æternitatis suæ,  
 quam ipse sibi ædificat in vita, bonis  
 malisvè operibus velut lapidibus. In  
 morte DEUM amantis extinguetur  
 ignis inferni, ut illum non possit urere  
 vel terrere. At in morte impij accen-  
 detur perpetuus ignis inferni. *Bene-*  
*dictus XII.* Definimus, inquit, quòd se-  
 cundum ordinationè DEI communem,  
 animæ decedentium in peccato mor-  
 tali, mox post mortem suam ad infer-  
 na descendunt, ubi pœnis infernalibus  
 cruciantur; & quòd nihilominùs in  
 die

die iudicii, omnes homines ante Tribunal Christi, cum suis corporibus comparebunt, reddituri rationem.

*Quocirca sanctè monet S. Clemens Papa Concil: tom. 1. ep. 4. Ut salutem nostram invigilemus valdè seriò ac diligentè. Potest fieri, ait, ut multitemporis negligentiam, brevis & assidua repararet diligentia. Incertum namquè est uniuscuiusquè tempus vitæ. Et idèò festinandum est ad salutem, nè fortè cunctantem Mors repentina præveniat. Probatum ille quidem est (ait S. Climacus Grad: 5.) qui mortem diebus singulis expectat: Sed ille sanè sanctus, qui hanc horis singulis desiderat. Memoria mortis est quotidiana Mors,*

*S. Augustinus cum discessum è vita sibi instare intelligeret. Psalmos Davidicos, qui ad pænitentiam pertinent in conspectu positos, profusis lacrymis legebat: solebat autem dicere: *Neminem etsi nullius sceleris sibi conscius esset**

esset, committere debere, ut sine penitentia migraret à vita. Ergò age quod suadet S. Isidorus de contempt. mundi Ingemisce quò vadis & contremisce, cor tuum quotidie discute, & examina. Cul-pam ibi emenda ubi nascitur, ita vivas ut si diem agas quotidie Ultimum. In-quit, B. Esaias Abbas.

Continentèr itaque hoc Disce mori quoàd hìc vivimus practicemus, illud-que Richardi de Marisco Episcopi Dunel-mensis, Epitaphium nostris obverse-tur animis.

Culmina qui cupi-  
Est sedata si-  
Qui populos regi-  
Quod mors immi-  
Vobis præposi-  
Quod sum vos eri-

TIS. 1.

2. Lau-

Laudes pompasque siti-  
 Si me pensare veli-  
 Memores super omnia si-  
 Non parcit honore poti-  
 Similis fueram bene sci-  
 Ad me currendo veni-

TIS.



CAPUT

nu  
 s.  
 exc  
 to,  
 Sac  
 ant  
 eiu  
 ti,  
 dan  
 mem  
 villi

## CAPUT II.

## JUDICIUM.

*Sacerdotis strictius.*

**O**Mnes nos manifestari oportet ante Tribunal Christi, ut referat unus quisquè propria corporis prout gessit: sive bonum sive malum, *inquit, S. Paulus 2. Cor. 5.* Omnes oportet manifestari, nullus excipitur, proindequè eodem momento, quo ultimum Spiritum emiseric Sacerdos, oportet illum manifestari ante tribunal Christi, ibiquè omnia eius etiam occultissima patefieri, discuti, in iudicium adduci, audiet tremendam illam iudicis vocem: *Redde rationem villicationis tue. Luca. 16.* Per hunc villicum vocatum ad rationes reddendas

das decem millium talentorum. *Origenes* Sacerdotem & quemvis Ecclesiasticum intelligit; idquè ex textu *Ezechielie* 9. deducit. In quo DEUS præcipit dicens: *A Sanctuario meo incipite*, id est, à Sacerdotibus. Deinde ad huius debiti immensam gravitatem descendit dicens: *Qui forsitan tot talenta perdidit, quot perdidit homines, quælibet enim anima thesaurus DEI est. Redde ergò rationem Sacerdotij tui, ministerij tui, talentorum tuorum. Omni enim cui multum datum est, multum quæretur ab eo. Luc. 12.* In quem locum *Ven. Beda* ait: *Multum commendatur ei, cui cum sua salute Dominici quoquè gregis pascendi, cura committitur: Unde Titus Episcopus Bostrensis in eundem locum scribens, hæc inquit clarè indicant Doctorum Pastorumquè iudicium, cæterorum non parùm gravius & periculosius fore. Heu (aiebat *Job*, & Sacerdos quoquè longè potiori jure dicere debet) quid faciam, cum surrexerit ad*

rit  
in  
*Job*  
*Pue*  
min  
me  
à D  
( u  
Vos  
me  
fin  
tor  
trib  
min  
tem  
dun  
quia  
do  
sapi  
ait:  
risi  
non  
byte

rit ad

rit ad iudicandum Dominus, & cum interrogaverit quid respondebo illi? *Job. 31. S. Gregorius illa verba 1. Reg. 3. Puer autem Samuel ministrabat coram Domino Heli, exponens: Ecclesiasticos monet, ut memores sint, quod tametsi à DEO delegati sint iudices in terra (unde Ecclesia de Apostolis canit: Vos seculorum iudices) rigorosissimo tamen æterni iudicis examini & iudicio sint reservandi. Electus Iudex, subditorum iudicium S. Ecclesiæ Rectoribus tribuit; sed eosdem Rectores suo examini discutiendos reservavit: hoc autem ipsum Rectoribus valde timendum est, quod DEI servantur examini, quia tantò subtiliores rationes vitæ & doctrinæ suæ parare debent, quanto sapientior est Iudex, quem sustinent.*

*Hinc S. Augustinus lib. 50. Hom 7. ait: Si diligenter attenditis fratres charissimi, omnes Sacerdotes Domini, non solum Episcopos, sed etiam Presbyteros & Ministros Ecclesiarum, in*

C

grandi

grandi periculo esse cognoscitis, si enim pro se unusquisque vix poterit rationem reddere, in die iudicii, quid de Sacerdotibus futurum est, à quibus sunt, omnium animæ requirendæ.

Locum illum Luc. 21. *Erunt signa in sole, & luna, & stellis* D. Aug. Ep. 50. ad Hesich: Beda, Primasius, aliique in sensu Mystico & Morali explicantes, dicunt: per talia signa diem iudicii præcedentia, intelligendum esse Ecclesiam, ejusdemquæ statum, qui rigidissimè à supremo Iudice examinabitur. Sol etenim, qui est veluti universalis mundi Prælatas, & Luna, quæ prædominatur nocti, ex quo ambo dicuntur luminaria magna, erunt prima quasi objecta iræ & furoris supremi iudicis; nam Sol convertetur in tenebras, & Luna in sanguinem, ad hoc, ut ostendat: quàm præcæteris infelix erit status futurus illorum, qui ad instar solis & lunæ in hoc sæculo fuerunt exaltati, & dotati dignitatibus, prælaturis, divitiis, tantisque donis

donis abusi fuerunt, ac propterea primi omnium, & cum majori rigore judicabuntur, quàm cæteri. *Potentes enim potenter tormenta patientur Sap. 6.* Et omnibus prædicat his Spiritus Sanctus dicens: *Horrendè & citò apparebit vobis, quoniam iudicium durissimum his, qui præsumunt fiet.* In quem locum scribens *Titelmanus in Allegor*: O! quàm trepidi inquit, venient Prælati ad Divinum iudicium, quàm terribile illud Capitulum erit, quòd semel & nihil deinceps susceperit corrigendum. Nequè hoc alicui fiat mirum, nam iudicium & poena, correspondere debent vitiis & peccatis. Quod declarat *Hugo Cardinalis* Quatuor enim, inquit, sunt, quæ peccatum aggravant, & pondus ejus faciunt, ut immensum crescat. Qualitas, scilicet, Frequentia, Diuturnitas, & Impoenitentia. Quæ conditiones, aut in toto, aut in parte majori potissimum in Prælati locum inveniunt. Unde benè dicebat. *Althardus de supplicio, vel*

*mercede Præfulum.* Sicut in præfenti non sunt Præfules sicut cæteri hominum; sic non erunt ut cæteri in futuro; ut hic non sunt in gradu aliis æquales, sic & aliis tunc erunt, aut superiores in gloria, aut inferiores in contumelia, recepturi siquidem sunt, aut duplicem coronam, aut duplicem pœnam *Dionysius Carthus.* super illa verba: *A Sanctuario meo incipite* Eccl. 9. Ea hunc sensum habere dicit. Primò occidite Ministros templi, qui aliis peccati causa fuerunt, iudicium nempe gravissimum his qui præfunt fiet, & quò altior gradus, eò altior casus. Quamvis autem loquatur de Prælati; tamen severitas & ratio iudicii etiam convenit Sacerdotibus.

Considera itaque ò Sacerdos! quàm exacta, quàm rigida futura sit, illa discussio, ibi enim iudicium tibi subeundum erit de omnibus factis, dictis, cogitatis: ibi omnia peccata tua, etiam ea quæ videntur levissima in  
 justitiæ

justitiæ Divinæ balance expendentur :  
 ibi non modò de propriis peccatis red-  
 denda erit ratio, sed etiam de peccatis  
 aliorum, quibus verbo & exemplo  
 prodesse debebas : ibi à te inquiretur  
 quem usum feceris bonorum omnium  
 naturæ & gratiæ, quæ tibi concessa  
 sunt, ad quid impenderis corporis tui  
 membra & organa, animæ tuæ facul-  
 tates & quæcunquè talenta tibi concre-  
 dita ; ibi judicabuntur omnes justitiæ  
 tuæ *Psal. 74.* id est omnes actus reli-  
 gionis, charitatis, & aliarum virtutum :  
 item Orationes, officia Divina, sacri-  
 ficia oblata : ibi ad stateram Sanctuarii,  
 expendentur omnia à te facta, vel om-  
 missa in dispensatione Divinorum My-  
 steriorum, in administratione Sacra-  
 mentorum, in prædicatione verbi Di-  
 vini Deniquè cuncta **DEUS** adducet  
 in iudicium, & cordis tui abditissima  
 quæquè scrutabitur, in lucertis. *Hec*  
*ecce venit, & quis poterit cogitare diem*  
*adventûs ejus ? & quis stabit ad videndum*

eum? ipse enim quasi ignis constans. Malach. 3.

Quapropter D. Augustinus in *Enchirid.* monet. Fratres, inquit, pertimescite diem iudicii, quoniam in die superiùs erit Iudex iratus, inferiùs Chaos horrendum, à dextris peccata accusantia, à sinistris infinita dæmonia, interiùs conscientia urgens, exteriùs mundus exardens, & quò fugies ô peccator! latere non erit possibile, apparere intolerabile, quid ergo facies ô miser! tu te statues contra faciem tuam, tu te facies esse testem, tequè iudicium tui, tu clamabis adversùm te, tuquè proferes sententiam tuam contra te, & quid dices ô miser?

David vir secundùm cor DEI, qui adimplevit omnes voluntates ejus, timens ac tremens loquitur: Quò ibo à spiritu tuo, & quò à facie tua fugiam? Non intres in iudicium cum servo tuo. *Psal.* 142. Nec immeritò, inquit, S. Gregorius *lib.* 24.

Moral.

*Moral. c. 7.* Cujuslibet anima terretur, quando post pusillum hoc invenit, quod æternum mutare non possit. Quis enim vitam nostrum præcedentium Patrum valeat vel superare vel assequi? & tamen David dicit: *Ne intres in judicium cum servo tuo; quia non justificabitur in conspectu tuo omnis vivens.* Quid ergo facient tabulæ, si tremunt columnæ? aut quomodo virgulta immobilia stabunt, si hujus pavoris turbine etiam cedri quatiuntur?

Talis Columna, talis Cædrus, fuit *S. Hieronymus*, & tamen de se testatur: quoties diem illum considero, toto corpore contremisco: sive enim comedo, sive bibo, sive aliud quid facio, semper mihi videtur terribilis illa tuba in auribus meis insonare: *Surgite mortui, venite ad judicium.* In c. 25. Matt.

Talis Columna magnus *Augustinus*, ejus tamen hæ doloris & tremoris plenæ voces sunt: *Væ mihi misero cum veniet dies judicii, & aperti fuerint li-*

bri conscientiarum, cum dicitur de me,  
*Ecce homo & opera ejus ! Medit: c. 39.*

Prodigium sanctitatis D. Bernardum audiamus. Væ mihi misero, inquit, cum venerit dies illa judicii & aperti fuerint libri, in quibus omnes mei actus & cogitationes Domino præsentandæ recitabuntur. Tunc demisso capite, præ confusione malæ conscientie, in judicio coram Domino stabo, trepidus & anxius, utpotè commemorans scelerum commissa meorum; cum subductis è medio omnibus hoc inveniet, quod in per perpetuum mutari non poterit. *Medit c. 2.*

De S. Cypriano Martyre legitur, quòd dum iret ad locum supplicii, & Lictor jam esset eundem securi percussurus, summoperè timuerit Judicium Divinum, quare dicebat: Væ mihi, cum venerit judicium tuum? cui monti dicam: cade super me, & cui colli operi me! Et tamen mortem hanc patiebatur propter  
 amo

amorem Christi, eratquè quasi securus de cælesti beatitudine.

*B. Laurentius Justinianus* qui ( uti legitur in vita ejus ) continuò ferè lachrymabatur magnoquè DEI pollebat spiritu, discurrendo cum suis amicis dicere solebat : *Quid agam fratres , quid agam, cum ad Judicem ducar ?*

*S. Hubertus ad extrema deductus dicebat :* Mihi non mediocris est angor, reminiscenti, quanta perfectio debeat esse ministerii mihi injuncti : & è contra quàm contemptibilis vitæ meæ inofficiosa correctio. Ecce Judicis mei jam considero à nuptiis reditum, cum mihi desint lampades bonorum operum perfectione repletæ, & charitatis luce irradiatæ, quibus ejus valeam occurrere adventui : En rationem positurus de talentis redit, mihiquè timeo dici, quod servus negligens audivit : *Redde rationem Villicationis tuæ :* Serve piger nonnè oportuit te, pecuniam meam committere nummularius ut ego

veniens cum uluris recepissem eam ?  
 Gregis mei te posui pastorem, & lac-  
 tis eorum ubertate famem, lanarum-  
 què tegmine repellere consuevisti al-  
 gorem. Ergò necesse est eorum præ-  
 sentes salvationem, quorum te præpo-  
 sui Prælulem. *Surius in vita ejus.*

*S. Ceadda Marciorum in Anglia E-*  
*piscopus*, (teste Ven. Beda l. 4. Hist.  
 Angli. c. 4.) quoties tonaret, aut ful-  
 guraret, aut vehementior procella in-  
 grueret, in terram sese prosternebat,  
 & horrorem Divini Judicii, & formi-  
 dandæ illius sententiæ damnatorum :  
*Ite Maledicti* ; pensitabat.

*S. Attala Abbas, centum quadraginta*  
 ante mortem diebus, ut morti se accin-  
 geret à DEO monitus, in Crucis am-  
 plexu de tremendo DEI judicio anxius  
 tremensquè ac lachrymando singulti-  
 ens, atquè veniam pro peccatis petens,  
 cælos patentes videbat, ingressusquè  
 est. *P. Nadasi.*

*B. Agathon*, cùm tunc etiam  
 trepi-

trepidaret, & rogarent discipuli cau-  
sam, cùm scirent eum sanctè vixisse :  
*Quia, inquit, ò filii, alia sunt DEI, alia ho-  
minum judicia !*

Arsenius, tanto timore corre-  
ptus fuit, ut Discipuli testes Sanctitatis  
ejus dicerent : *Et tu Pater trepidas ?* At  
ille : *Non est novus hic timor ò filii ! quàm-  
diu vixi, hunc diem timui.*

*Elias Abbas* solebat dicere : *Tria  
sempèr cum timore cogito. Egressum  
animæ de corpore, occursum ad DEUM,  
& sententiam Judicis. In vitis PP.*

*Sophronius* memorat *Abbatem Geor-  
gium* teporem Mortalium deplorantem,  
& mortis, ac extremi judicii memorem  
ad nostram soccordiam excutiendam.  
*Væ nobis ( inquebat flens Georgius ) Væ  
qui nullam habemus compunctionem,  
sed in negligentia vivimus ; cùm ira  
DEI comprehendat nos, & in trutina  
simus, ut judicemur : Prat. Spirit. c. 50.*

*B. Albertus Magnus*, afferi illam  
*S. Hieronymi* tubam ita clangentem :

Quoties diem iudicii cogito, toto corpore contremisco. Tum exclamat B. Albertus: Quid igitur nos miseri acturi sumus, ubi tanti viri trepidant!

Nebridius meminit, ad Iosephum de Leonissa Capuccinum, ingressum esse quempiam defunctum è fratribus; ac ducto alto suspirio dixisse: O Ioseph! si quàm severa omnium quæ fiunt, à DEO in morte ratio exigatur tibi perspectum foret? Et iterum cum suspirio altiore: O Ioseph, Ioseph! si quàm difficilis ad salutem sit aditus planè intelligeres! & sermone non expleto evanuit. *In Antiquario Epi. 117.*

*Refert Cantipratanus lib. Apum. c. 2. par. 2.* Quidam Sacerdos per multos annos, malè regebat sibi subditos, nec respondebat Vocationi suæ: tandem morbo correptus decubuit, & apparuit ei S. Petrus severo & minaci vultu exhibens libellum, in quo erat scriptum illud Ezechiel 37. *Mortificas animas quæ non moriuntur, & vivificas quæ non vi-*  
vunt.

vunt. Cogebat autem eum legere, ipse  
 verò & hærebat, & horrebat, & à tam  
 duro decreto averfabatur conspectum;  
 sed cùm Apostoli præcepto cogitur, le-  
 gere glossam quæ in Margine sic ha-  
 bebat. *Quando reduces animas de inferno,*  
*quas tuo destitutas exemplo, aeterno demer-*  
*fisti supplicio ?* Cum præ horrore re-  
 spondere non posset dispareret visio, tan-  
 dem consilio viri cujusdam sancti dis-  
 solvit vincula omnia, & sæculo valedi-  
 cens, in Monasterio S. Bernardi piè fi-  
 nivit.

Parisiis in Cænobiis S. Francisci  
 Assistatis. Religiosus Tyro in lethali  
 morbo, ad extrema perductus est,  
 cumquæ jam mortis lucta instaret, æ-  
 ger horrendum inclamans: *Me miserum*  
*inquit, quanto satius fuisset nunquam nasci*  
*quam ita mori, paulò post: Libram obse-*  
*cro, inquit, fideliter tracta.* Mox & il-  
 lud adjunxit. *Appone aliquid de D. Jesu*  
*tormentis & cruciatibus.* Somnia hæc  
 & ægrotantis deliria videbantur, sed  
 ubi

ubi ad se rediit, retulit, quàm exactas  
 DEUS rationes posceret de oculis  
 etiam cogitationibus, de otiosis verbis  
 deque minutissimis quibusvis noxis.  
*Chronica S. Francisci par. 3. l. 4. c. 53.*

Infelicioꝛ erat Religioſus ille in  
 ordine ſancto non ſanctus, anno 1612.  
 deſperanter decedens, uti refert de Bo-  
 verio Nebridius Canon. Regul. S. Auguſt.  
 Ep. 117. Hic ut in vita nomen ſibi con-  
 ciliaret inter ſuos, maximè ſuperiores,  
 multam probitatem ſimulavit. Vaca-  
 bat nocturnis precibus ſic, ut ad Matu-  
 tinum etiam laſſus, à via ſurgeret, cùm  
 eſſet illi licentia dormiendi. Quibus  
 de cauſis, non ſemel ad dignitatem &  
 officia pervenit, ad quæ intùs unicè a-  
 ſpirabat. Æger, monitu ſuorum quaſi  
 ſacrâ confeſſione mentem expiaturus,  
 Patrem ſibi præ aliis familiarem accer-  
 ſivit, & dixit: Cùm de ſalute mea ſit a-  
 ctum nolo conſiteri; obſecro te tamen, ut  
 fratribus interrogantibus dicas me eſſe con-  
 feſſum; Cui Pater; Quid ita? an times  
 mihi

mihi aperire conscientiam? Et ægrotus: *Quid opus est confiteri, cum de salute mea actum sit animæ.* Ad quod Pater multis eum hortari: ut spem poneret in DEUM, clementem, benignum, & misericordem: fontem gratiæ fluere omni viventi, & alia. Sed æger ad omnia surdus & induratus. *Frustra, ait, justo DEI judicio condemnatus sum. Etenim tot jam annis, internis deditus vitiis, inanem gessi speciem probitatis: Nec unquam verè confessus sum, hinc iram DEI in me concitavi, sic, ut nec possim confiteri, nec si confiterer acceptum DEO esset.* (Hem delirum errorem) simulquè linguam morso in frustra dissecuit, horrendumquè clamavit: *O lingua maledicta cui semper grave erat aperire mea crimina, justam proinde nunc DEI vindictam experire dissecta in partes.* Quibus dictis frustula linguæ cum sanguine expuit; atquè inter absonos clamores animam ejecit.

*Arnoldus Cathius è Soc. JESU Româ in Belgium redux, scripto testatum reli-*

reliquit, ex fide digna relatione habuisse se, in Italia iuvenes duos aliquando nomen Societati dedisse, quorum unus in vocatione perstitit, alter sæculum ejusquæ mores ac scelera repetiit. Morbo hic tandem lethali corripitur: cum fortè urbe egresso sacerdoti, eidem illi qui ægro vocationis frater fuerat socius, acclamat muliercula, ut in domum suam descendat, priusquàm moriatur filius ejus. Accurrit ad Misericordiæ opus lubenti animo Pater, hominem reperit feбри gravissimâ correptum, agnoscit socium fuisse vocationis suæ. Opat ut sit & felicitatis æternæ, eum solatur ac hortatur vice non unâ, ut sacrâ confessione animam expiet, sed frustra. Tandem ad ægri lectum moram longiorem trahens, ut illum ad saniorem mentem reduceret, & in somnum incidens, Christum videt hiantibus vulneribus advenientem, ægrumquæ commonentem, animæ suæ consulat, salutis: avertit miser vultum, atquæ

quæ aures obturat Salvatori ; qui indignabundus, plenâ manu sanguinem suum in obdurati hominis faciem coniecit, eâ comminatione ; ut quem in animæ ejus salutem fuderat, is illi in æternam damnationem cederet. Abiit Dominus ; expergiscitur Sacerdos, & miserum rotum cruentum ac vitâ functum reperit. *De Wael in Corona vulner.*

Dùm S. Bruno Parisiis Theologicis studiis operam dabat jamquæ Rhemensis Ecclesiæ Canonicus esset factus eò temporis è vita excessit Doctor Parisiensis, Princeps inter literatos, quiquæ virtutis existimationem maximam post se reliquit. Sed eheu quantum aberratis mali judices hominum oculi ! Dùm huic de more solennes in Ecclesia fiunt exequiæ, in magna populi Doctorum & Nobilium corona ad illam in officio defunctorum canentis : vocem : *Responde mihi ;* ecce tibi è capulo, caput erigit defunctus, & cum gemitu

gemitu inquit : *Iusto DEI iudicio accusatus sum* : Mox postredie ad eandem vocem : *Responde mihi. Iusto, (exclamat) DEI iudicio iudicatus sum.* Demùm tertio die, tertium è feretro fulmen auditur : *Iusto DEI iudicio condemnatus sum.* Quis putas tum audientium fuerit sensus, defuncti hujus & in hominum oculis exactam vitam, & DEI cor scrutantis sententiam perpenderunt. Certe hæc plùs quàm Tragica catastrophè omnes movit, sed Brunonem maximè: Nam à tempore illo, non modò hanc hominis umbram, sed ipsos etiam homines fugere cæpit, sequè cum sex aliis elongavit fugiens, & in solitudine mansit, quò eum hùc usquè innumeri feliciter securi, securam ad mortem beatam extra hominum oculos invenerunt viam. *Annal. Cart. l. 1. c. I.*

*Zebentner in mala spei promontorio l. 4. §. 2. num. 25.* refert historiam, de quodam Canonico pessimæ vitæ Toleti in Hispania, qui cum extremè ægrotasset, monitus fuit aliquoties ab

Eccle-

Ecclesiasse Toletano aliisque de confessione scelerum facienda ; sed nihil profecere afferente agro periculum remotius esse, quam ipsi arbitrarentur: Mox obmutuit miser. Ergo Ecclesiastes apprehensa Christi pendentis effigie Psalmum, *De profundis &c.* exortus est, jamque ad illa venerat Davidis verba. *Fiant aures tuæ intendentes, in vocem deprecationis meæ,* cum ecce tibi lignea imago, tota presentium corona spectante, brachia ad crucem fixa resolvit, & utraq; manu aures obserans formidabilem hanc vocem misit : *Quia vocavi te & renuisti, ego quoque in interitu tuo ridebo.* Fulmen hoc fuit tremendi Judicis Crucifixi, quod ubi ab imagine jactum est, infelicem animam ex corpore scelerati hominis in Tartarum deturbavit.

Famosus Magdeburgi Antistes Udo, cum cœlesti nuntio, tertium à se misso atque commonenti : *Da finem ludo, quia lusisti satis Udo,* fidem non haberet,

ret, sed in sua nihilominus lascivia per-  
 sisteret tandem ad Tribunal DEI cita-  
 tus est; quâdam enim nocte S. Mau-  
 ritius in Ecclesiam suam (cujus Udo e-  
 rat Anus) cum evaginato procedens  
 gladio, voce validâ exclamavit. *Omnes  
 Sancti quorum reliquiae hic habentur surgite  
 & venite ad iudicium DEI.* Tùm subi-  
 tò maxima & præfulgida apparuit u-  
 triusquè sexûs multitudo; subinde  
 Christus sole splendidior, stipatus San-  
 ctissimâ Matre: & duodecim Viris  
 Regali Schio consedit, iussitquè Udo-  
 nem adduci. Raptus ille è lecto, con-  
 tinuò adfuit. Hic D. Mauritius accu-  
 satores agere, scelera ejus impuras-  
 què veneres detegere, scandala ovibus  
 propriis data in faciem exprobrare,  
 conclamantibus omnibus: *Reus est mor-  
 tis.* Itaque ad gladium ab æquisimo  
 Iudice condemnatus, ab ipsomet Mau-  
 ritio sententiam exequente decollatur.  
 Spectavit hæc Canonicorum Nonne-  
 mo, & simul unus alius, animam ejus  
 à damo-

à dæmonibus ad æterna incendia abri-  
pi, ibiquè natali suo & amassis male-  
dicere, manèquè Clericis ad Ecclesiam  
venientibus Udonem in suo sanguine  
tabefactum ostendit. *Naucler volum:*  
*2. gener. 34. Trithemius, Fulgosus S. An-*  
*tonius & alii.*

Anno Christi 914. Cùm dira fa-  
mes Germaniam infestaret, Episcopus  
Moguntinus, *Hatto nomine* plurimos pau-  
peres in horreò congregatos, eà spe  
quòd escæ vel panis nonnihil ex Epi-  
scopi liberalitate accepturi essent, con-  
cremari iussit, dicens nihil differre eos  
à muribus, frugibus tantùm consume-  
re natis. Quam tyrannidem protinùs  
DEUS ultus est. Præcepit namquè  
muribus, ut acervatim illum invade-  
rent, ac diu noctuquè affigerent, vi-  
vumquè devorarent. Itaque ille in  
turrim in medio Rheni extructam au-  
fugit, sed nec ibi à Morsibus murium  
tutus esse potuit. Nam mures facto  
agmine per Rhenum natantes, in tur-  
rim

rim conscendêre, justum DEI iudicium  
 executuri quod agnoscens miser hor-  
 rendâ tandem morte inter mures pe-  
 riit. Feruntur mures nomen ejus quo-  
 què à parietibus & tapetibus abrasisse.  
*Genebrardus lib. 4. Chronograph.*

*Conradus Hildemensis Episcopus*, no-  
 ctu ad libros sedens, sequenti die di-  
 cturus ad populum, alienatâ iam à sen-  
 sibus mente, videre sibi visus est, Præ-  
 sulem mitrâ insignem ad Judicis D E I  
 Tribunal rapi. Examinatur causa ab  
 assidentibus, mox lata sententia mortis  
 lictores damnatum reum, insulâ, annu-  
 lo, cæterisque Pontificiis ornamentis  
 exuunt, carnifici in manus tradunt :  
 tum qui iudicio aderant loco surgentes  
 cùm hoc Epiphonemate recedunt : *Er-  
 go dùm tempus habemus operemur bonum.*  
 Interim excitato Episcopo, servus nun-  
 tiat Dominum suum vespere proximè  
 elapso, subitâ morte extinctum, qui  
 ipsius erat sanguine, sed vitâ & mori-  
 bus degener, præsertim rapinis & libi-  
 dinibus

dinibus infamis. *Cantipratanus lib. I.*  
*Apud c. 3.*

Ergò quære præesse si quæris  
 durissimum iudicium, in quo pro te,  
 ac tibi subjectis, (quos plus æquo ti-  
 mes, aut amas, aut negligis, aut de-  
 primis) respondeas. In his ego cogi-  
 tationibus dies noctesquè verfor: (*scri-  
 bebat S. Greg. Nazianzenus*) Hæ me-  
 dallas ipsas absumunt, & carnes abro-  
 dunt, faciuntquè ut non de præfectura  
 nec de corrigendis aliis & gubernan-  
 dis cogitem; sed quomodo ipse veni-  
 entem iram effugere queam; nonni-  
 hilquè vitiosæ rubiginis, à me ipso ab-  
 radere purgariquè primùm ac deinde  
 purgare. *Accendamur, ait, S. Bernar-  
 dus*, ad poenitentiam, interrogemus  
 conscientias nostras; & animemur ad  
 ultionem exigendam de nobis: ut  
 horrendum possimus evadere iudicium  
 DEI. *Sermone in Nativ. S. Joannis Bapt:*  
*Pennequin dissertatione. 6. § 13.*  
 ait B. Ephræmo aliquando conspectum  
 fuisse

fuisse Christum Judicem in hæc verba tonantem : O anima, quare mihi ferio non deservis ! cur cum tanta negligentia orationes tuas peragis ! cur ad Judicium meum tam rigidum te melius non disponis ? quare tot gratias, quas tibi contuli, & quotidie confero, diligentius non respondes ? Ego tui causam mortuus sum, defecit ad hæc Ephræm ; ac tremens dixit : *Venite montes & me peccatorem impium cooperite.* Et tu quoque quando forte ad aliquod peccatum te videris paratum, illud horribile & intolerabile Christi Tribunal cogita, in quo Judex, in alto sedebit throno, astantque omnis creatura rationem gestorum redditura. Horribiles quidam ac tristes circumdabunt Angeli flammam lævas respirantes. Probrum illud & verecundiam sempiternam. Hæc tu time, ait S. Basilius *Tom. I. in Psal. 33.*

S. Macarius cum numerosam Ægypti Anachoretarum, congregationem aduna-

adu  
nis  
nihil  
cui  
tres  
qua  
post  
bur  
cor  
sua  
vit  
pa  
C  
na  
dū  
an  
ja  
ste  
nu  
fo  
ef  
ip  
ex  
Ep

adunatam invenisset, jussus ædificatio-  
nis ergò aliquid in medium proferre,  
nihil allud, quàm terribile DEI judi-  
cium memoravit: *Ploremus, inquit, fra-*  
*tres, & deploremus modò nos ipsos, ante-*  
*quam ad horrendum illud Tribunal evocemur,*  
*post cujus sententiam lacrymæ nostræ com-*  
*burent corpora nostra: Quibus auditis*  
corruerunt omnes in terram & peccata  
sua singuli amarissimè desieverunt, *In*  
*vitis P. P.*

Idem nos etiam faciamus; cul-  
pam tuam pensa & dilue dum vivis  
(*monet s Greg. Mag. lib. Ep. 33. ad Ve-*  
*nantium*) districtiorem venturi Judicis,  
dùm vales exhorresce, ne tunc illam  
amaram sententiam audias, quando  
jam nullis fletibus evades. Etenim (*te-*  
*ste D. Chrysostomo hom. 46: ad pop. Antioch.*)  
nullus eorum, qui hîc peccata non dis-  
solverit, illuc migrans eorum poenas  
effugere poterit. Jam verò qui semet-  
ipsum perfectè judicat, judicium non  
expectat, *inquit B. Petrus Damiani l. 4.*  
*Ep. 15* D Hoc

Hoc iudicium statûs Sacerdotalis, efficaciter repræsentat verus elegans pictura, in sacrario Ecclesiæ nostræ Cathedralis, ubi in superiori parte tabulæ expressus tremendus Iudex Christus, cum coelesti curia Beatorum & Sanctorum omnium, in medio tabulæ procumbit Episcopus, cum Prælati & & Canonicis, ferentibus junctas manus, & cadaverosas facies, in apparatu consuero, taliter ingemiscens;

*Episcopus.*

**O** Utinam populo mihi credito, verbo & exemplo præfuissem, jura Ecclesiæ fortiter defensâsem, non alienâsem, sed recuperâsem & auxissem, bonis Ecclesiæ consanguineos non distâsem, sed in propagationem religionis & cultus Divini, disciplinæquè Ecclesiasticæ dispensâsem, idoneos ordinâsem, beneficia non amicis, aut aliis in favorem, sed fidelibus operariis contulisset!

*Præpo-*

*Præpositus.*

○ Utinam sine simulatione, partialitate & odio, pensata tantum æquitate & justitia, & quæ communi utilitati conducunt, sincerâ fide & charitate præsedissem!

*Decanus.*

○ Utinam tam diurnis quàm nocturnis Officiis, non cursim sed regulato modo & ordine, sine negligentia ritè exequendis vigilanter superintendissem!

*Archidiaconus.*

○ Si prævio rigido ordinandorum examine, spretis omninò sordibus non dissimulanti, sed perspicaci oculo, idoneos dignosquè clericos Pontifici præsentâssem!

*Scholasticus.*

○ Si ordinatam Scholarum disciplinam, Juvenum, adultiorumquè eruditionem, rigorosè, tam in scholis, quàm in choro, fieri disposuissem!

*Cantor.*

○ Si debitas Antiphonarum, Psalmorumquè inceptions, cantus, tonos, versusquè regulari concentu depromere ordinassem!

*Custos.*

○ Si decorem Ecclesiæ, vasorum munditiam, clenodiorum vestiumquè Sacrorum custodiam, campanarum regulatum pulsum attentè procurassem!

*Cancellarius Capituli.*

○ Si munimentorum conservacionem,

nem, literarum expeditionem, minutarum quoquè argutam rimationem, solerti studio respexissem !

*Cancellarius Episcopi.*

**O** Væ mihi ! Utinam Reverendissimo meo aliis impedito, Disciplinae Ecclesiasticæ per Diæcesim invigilâssem, jura, libertates Ecclesiasticas diligentius defendâssem, litibus & Actionibus Episcopatûs attendissem, Cancellariamquè meam ac curiam disciplinatum servâssem, nec favore ductus, minutas scripsissem sigillâssemquè !

*Canonicus.*

**O** Si præsentias meas, sine cachinatione, sine vaniloquio, sed attentâ devotione, debitis horis, & obsequiis meruissem, atquè conscientiam timoratam & severam votâssem !

In parte inferiori tabulæ, depictus est infernus. Varii statûs & conditionis damnatos, inter voraces flammâs representans, cum hac inscriptione.

Guarda, Guarda, Specta,  
Time, Cave.



## CAPUT III.

## IN FERNUS.

*Sacerdotis profundior.*

**Q**uamdiù viri Ecclesiastici, Regali Sacerdotio inclyti, habitu venerabili & Sancto amicti Ordinis dignitate conspicui, DEO & Religioni sanctè inhaerent, sunt veluti lignum vitis, suis pampinis ac fructibus turgens; at si à DEO, ab instituto suo præcisi sint, ad nihilum valent sicut lignum vitis, si non manserint in vite, nisi ut humi serpat, conculetur, & in ignem mittatur ad comburendum; quâ similitudine usus est Doctissimus *Origenes*, *Hom. 5. in c. 15. Ezech.* Lignum vitis, ut honorabilius est lignis omnibus si afferat fructus, sic omnibus inferius iudicatur, si id non

habeat, unde præcellit : quia ex reliquis lignis varia opera ; ex vite verò nisi fructificet, nil fieri potest tantùm igni utile est ; quæ sic proposito huic applicat : Ita Christi quidem discipulus, si fructum hoc nominæ dignum ferat, honorabilior est reliquis gentibus sin minus abiectior. De his inutilibus palmitibus veritas dicit : *Si quis in me non manserit, mittetur foras, sicut palmes, & colligent eum, & in ignem mittent, & ardet ; quasi tales damnationem ignis æterni secùm ferant, atquè in eo atrocius præ aliis cruciandi sint.*

Propheta Regius de supremo ac tremendo DEI judicio agens : *Congregate, inquit, Sanctos ejus, qui ordinant testamentum ejus super Sacrificia. Psal. 49.* Ubi docet S. Chrysostomus hinc verbis imperari Angelis, ut sistant ad Christi tribunal Sacerdotes inprimis sceleratos ut severius judicentur. Deinde quærit, si mali jubentur sisti, cur Sancti  
 appel-

appellentur ? *Cur, inquit, quos, accusaturus & condemnaturus Sanctos appellat ?* Respondet, quòd DEUS Sanctos appellet, accusationem augens, & honorem adjiciens, ad majorem significatorem supplicii; ut ex dignitate status & muneris, gravitas culpæ & pænæ manifestior redderetur; ut disertè Lucæ 13. significatur: *Servus sciens voluntatem Domini sui (quam haustâ scientiâ ex tot libris, & concionibus illuminationibus perspectam habent Sacerdotes) & non faciens, plagis vapulabit multis.*

Quæ verba D. Thomas ex Theodoro graviter exponit dicens: Hic nobis Dominus majus aliquid & terribilius ostendit: Non enim dispensator infidelis acceptâ privabitur gratiâ, ut nihil eum juvet, ad vitandum supplicia; sed magis fiet ei damnationis causa dignitatis immensitas. Unde dicitur: *Ille autem servus qui novit &c.*

D 5

Mani-

Manifestum est cuivis, si homo agrestis, quid alienum à Mysteriis fidei proferat, in eum non sic ab inquisitoribus animadvertendum, quàm si quis vir literatus, Doctoratus laureâ insignis, & Nominis celebris, impingat aut hæresim spargat. Ita, (inquit, S. Chrysostomus, Hom. 27. in Matt.) Non similiter in omnibus omnia judicantur, sed major cognitio, fit majoris poenæ materia, undè Sacerdos eadem peccans cum populo, multò graviora patietur, quia & majorem peccati, & gratiæ quam perdit, notitiam habet. Homo enim perspicax, qui turpioribus suam voluntatem inclinavit, inexcusabile peccatum commisit, quasi propter malitiam recedens à Domini voluntate, sed homo rusticantus, rationalibus impetrabit veniam vindicantis; Unde subditur: *Qui autem non noverit voluntatem Domini sui, plagis vapulabit paucis.*

Duabus

Duabus eminebat dignitatibus  
 Core, scilicet præfidentiâ Concilii,  
 juxta *Abulensem*, *Dionys. Carthusianum*,  
 & *Oleastrum*, juxta illum numeror:  
 textum: *Viri proceres Synagoge, qui*  
*tempore Concilii per nomina vocabantur.*  
 Secunda dignitas erat Sacerdotii, si-  
 quidem Aarone sanguine junctus, ea-  
 demquè de tribu Levi natus erat: ad  
 quam dignitatè, quemadmodum a-  
 pud *Lyranum* asserunt *Rabbini*, ad ra-  
 dices Synai electus fuit. Ubi caput  
 effectus est seditionis, dum *Dathan* &  
*Abiron*, contra *Moysem* & *Aaron*, excitat,  
 summum affectans Pontificatum: quod  
 crimen enorme, insolitâ DEUS & re-  
 liquis sæculis minimè inflictâ punivit  
 pœna, dum terra sub pedibus ejus de-  
 hiscente, vivum fecit descendere in in-  
 fernum. *Origenes Hom. 5. Ezechiel.*  
 Majorem pœnam, inquit, habet, qui  
 Ecclesiæ præsidet, & delinquit; quid

mihî prodest , quia prior sedeo in  
 Cathedra resupinus , honorem Ma-  
 joris accipio , nec possum habere di-  
 gnitate meâ opera condigna ? nonne  
 majori poenâ cruciabor ? quia honor  
 justî , mihî ab omnibus defertur , cûm  
 peccator sim ? *S. Isidorus Pelusiota lib.*  
*2. Ep. 37.* Sacerdos , ait , graviores  
 vitæ suæ rationes subibit , tantusquè  
 ad ipsius poenam atquè cruciatum cu-  
 mulus accedet , quantus priûs in eo  
 honor collatus est ?

*D. Gregorius Papa* , explanans il-  
 lam Divinam comminationem ad Heli.  
 3. Reg. 2. *Pars magna Domûs tæe mori-*  
*eretur , cûm ad virilem ætatem venerit.*  
 Per virilem ætatem , mysticè accipit  
 ordinem sacerdotalem vultquè insi-  
 nuari , quòd qui cum essent parvuli ,  
 id est subditi , vixerant ac victuri  
 semper fuerant , facti viri , videlicet  
 Sacerdotes , moriantur & intereant.  
*Ætas virilis* , inquit , tempus est ad-  
 mini-

ministrandi Sacerdotij. Imitator itaque Doctoris reprobis, ad virilem ætatem ducitur, cum ad sacri ordinis celsitudinem promovetur, ad quam profectò ætatem cum pervenerit, moritur; quia ad tantum ministerium, quisquis indignus accesserit, vel in eo indignè vixerit condemnatur. *Lib. I. c. 3. exposit. sua.*

*Hinc S. Chrysostomus Hom: 3. in Acta.* Non temerè, inquit, dico, sed ut affectus sum & sentio. Non arbitror inter Sacerdotes multos esse qui salvi fiant, sed multò plures qui pereant. In causa est, quoniam res excelsum requirit animum. Multas enim habet causas quæ depellant ipsum à suis moribus, & innumeris oculis illi opus undiquè; ut videlicet omnes sibi commissos, verbo, exemplo, & aliis exercitiis ad salutem juvet, neminem perdat, aut quantum est in se perire permittat, multò minùs scandalosâ vitâ perire faciat. *In*

In Revelationibus S. Brigittæ legitur l. 4 c. 15. quod Christus malos Sacerdotes Diabolo peiores dixerit: *Deteriores sunt diabolo*, inquit, & ideo præ omnibus diabolis profundius submergentur in infernum. Ubi præter poenam damni, quæ in Sacerdote post tot, ac tam insignia Divinæ benevolentiae testimonia, non nisi acerbissima esse potest, alia insuper supplicia, ac tormenta erunt subeunda; quæ præ aliis damnatis atrocissima illi infligentur; ac proinde in eum ignis inferni longè crudeliùs delæviet, & quidquid in illo infelicitatis, abyſſo triste ac durum, quidquid amarum & acerbum, illud præ cæteris experietur. Heu Domine, quis novit potestatem iræ tuæ, & præ timore tuo iram tuam dinumerare? Conſige timore tuo carnes meas, à judiciis enim tuis, & ô quantum à suppliciis timui! Psalmo 80.

Ad cumulum ipsius damnationis,

nis, & poenarum illi adjunctarum, erit æternitas, & illius horrendæ æternitatis, cogitatio semper urens & infestans, quæ miserum illum continuò cruciabit, ejusquè animam velut iteratis desperationis aculeis, lancinabit, & discerpet. *Vermis eorum non morietur* ( inquit Christus Marci. 6. ) & *ignis eorum non extinguetur.* Hanc æternitatem *P. Cornelius à Lapide ad c. 4. Malachia*; his verbis unicuiquè nostrum ob oculos ponit. Si DEUS diceret Judæ traditori, & cuilibet damnato, singulis millenis annis, pro tuis peccatis emittes duntaxat unam lachrymam; & quando hoc modo, per tot annorum intervalla, tot lachrymas emitteris, ut illis totam mundi capacitatem impleas, miserebor tui, tequè ex inferni ignibus poenisquè eripiam, gauderet utiquè hoc promisso Judas proditor, aut quisquis alius damnatorum, ingenti gaudio

&

& ineffabili, eò quòd salutis aliquam haberet spem: sed quàm longa hæc spes! quàm vasta annorum spatia ei in pœnis metienda essent! quot millena annorum millia expectanda, antequam lachrymis suis vel sciphum impleret! quot milliones annorum ut poculum! quot cubi millionum ut dolium unum! quando ergo cubiculum? quando Domum, quando Urbem? quando Provinciam? quando terram? quando aërem? quando cœlum lachrymis suis compleret? O æternitas infelix! ô æternitas dolorum! ô dolorosa DEI privatio! quis illam æternitatem serio cogitare potest, & non continuò contremiscere & horrore affici! ô æternitas! quis poterit æternitati par esse in tormentis? Quamdiu DEUS erit DEUS, tam diu durabunt lamenta; quamdiu istud erit? non est effari. Cogitari potest explicari non potest.

potest. Væ illis ( dicit S. Aug. de ver-  
bis Domini ) qui cum diabolo mansio-  
nem habebunt, ex qua ascendit fu-  
mus tormentorum in sæcula, væ illis,  
Væ illis ! O Væ æternum ! nun-  
quam finem habiturum ! ô finis si-  
ne fine ! Mors gravior omni mor-  
te, semper mori & non posse un-  
quam emori. Ardebunt miseri in  
igne æterno in æternum. Teste D.  
Bernardo l. Med. c. 4.

Cogitent ergo seriò & sedulò  
expendant Sacerdotes, quàm misera  
ac miseranda conditio sit pravè viven-  
tium in suo tam excelso & sublimi sta-  
tu, in quo nec præsentis sæculo,  
nec futuro fruuntur; hinc Gehennam  
& alteram postea habituri. Ut meri-  
tò lamentabiles illas voces usurpare  
queant, quas commiseratione ductus,  
ejusmodi convenire dicit Apostolus  
I. Cor. 15. *Miserabiliores sumus omni-  
bus hominibus, etiam gentilibus &*  
barba-

barbaris, quibus mitius iudicium & supplicium. Quod probatur eventu mirabili, qui contigit *Beat. Macario*. Hic aliquando per desertum gradicens, cranium invenit hominis mortui, quod baculo attingens, cuius fuisset in vita interrogavit, respondit què cujusdam eodem in loco Sacerdotis gentilis, adjiciens, quòd quantum distabat cœlum à terra, tantum habebat de igne super caput suum, cum aliis paganis, & tantundem ab infra sub eo esse ignem, in quo cruciabantur mali Sacerdotes. *S. Antonius* 4. par. tit. 14. c. 4.

*S. Gregorius lib. Dialog. c. 31. scribit*, quòd eò tempore, quo Gothi Italiam vastabant, *Reparatus Romanus*, improbus magis quàm ignobilis vir, dùm defunctus plangeretur revixit. Et mittite, inquit, ad Ecclesiam Laurentii Martyris Scisciritum, quid *Tybertius Presbyter* agat. Vidi

Vidi enim eum rogo impositum acriter torreri, vidi & alium roguum, qui flammæ Mucrone coelum lambere videbatur, de flamma quoque vocem erumpentem audivi; quæ indicabat quis ille esset cui poena parabatur. His enaratis repente obmutuit, morte percussus, atque iterum illuc unde redierat abiit. *Tyburcius* etiam tunc infelicem animam exhalasse compertus est, qui cum Præsbyter esset nihil Presbyteri habebat, præter figuram ac nomen. *Reparato* autem alios admonendi, non sui à perditione liberandi copia data est, DEO per illum cæteris consulente, ut caverent eorum vitia imitari, quos ad gehennam damnatos satis certo iudicio agnovissent.

*Cæsarius scribit lib. 12. Miracul.*  
c. 6. Parochum quendam fuisse in animarum cura pigerrimum, hic cum expirasset, religiosi cujusdam oculis hor-

horrendum se spectaculum obtulit, vidit enim Parochiæ illius defunctos, sese tumulis egerere, saxa arripere, & illis Parochum petere exclamando: *Ab impie! Miseri nos tibi commissi fuimus, tu nos neglexisti. In percipiendis decimis nemo te diligentior fuit, in curandis animabus nemo obliviosior, nemo inertior. Emolumenta cupidè quærebas, quid de nobis ageretur non curabas. Cum peccaremus nos minimè corripuisti, nequè verbo nequè exemplo nos revocasti. Ab! lupe potiùs quàm verus pastor, tu occasio nostræ damnationis fuisti: Par est, ut tu quoquè in istis flammis nobiscum torquearis.* Hæc cum dixissent, & lapidibus illum obruissent, miseram hominis animam in profundum puteum deturbârunt, nec ipse unquam ampliùs comparere visus est.

*Annales Ecclesiastici anno Christi*  
 1211. è Trithemio meminère Adalberti viri probi, qui nocte tota jacuit  
 opinio-

opinionem omnium & comploratione  
 cadaver, manè jam sepeliendus, vi-  
 vus resedit; surrexit & aliis aliò fu-  
 gientibus, ad Sacram ædem cum fe-  
 stinatione contendit. Circumfusa in  
 templo multitudo, interrogabat quid  
 vidisset; at ille in oratione ad nonam  
 usque defixus, vel tantùm silentio  
 vel hac sola voce reddita responde-  
 bat: *Vae stulticiæ hominum! Vae impietati!*  
*quàm acerba sunt quæ manent eos post hanc*  
*vitam!* Rogatus ab Archipresbytero  
 viro religioso ac docto, quid de fu-  
 tura vita vidisset: *Vidi, inquit, mul-*  
*ta horrenda sed sum jussus non omnia po-*  
*pulo aperire: Ne magnalia & secreta DEI*  
*veniant in derisum his qui sapiunt juxta*  
*carnem.* Vocatus Sponheimiensis Ab-  
 bas, cum Joanne Priore adfuit. Nar-  
 rabat Albertus inter cætera, tot sibi  
 monstratas ad tremenda inferni, quæ  
 videbat tormenta descendere animas,  
 ut putavêrit vix intra centum annos

tot homines exire de vita. Tot in illis tormentis Ecclesiasticos, DEO dicatos & sæculares à se visos, quot vix in toto Mundo esse homines credidisset. *Vide Bzovium Num. 12.*

Dùm Carcaffonæ ænergumenus quidam à pluribus obsessus Cæcodæmonibus S. Dominico exorcizandus offerebatur, inter cætera S. vir sic percunctabatur: Quinam sunt inter Christianos qui maximè damnantur? Cùm quamvis inviti respondissent maligni Spiritus, rursus subjunxit S. Dominicus? de Sacerdotibus verò & Religiosis nullam mentionem facitis? Responderunt innumeros se possidere Sacerdotes; at verò Religiosos nullos. Sed ex iis qui non habita ratione statutorum sui ordinis, ea temerè violant, singulis diebus ad nos innumeri devolvuntur. Subinterrogavit & dixit iterum Sanctus, de meis vero Religiosis, &

Fran-

Franciscanis quid dicitis ? tunc ad hoc renovatis vocibus & clamoribus, responderunt dicentes: Heu! Heu! ex illis pro tempore nullum habemus, futurum verò est, ut infinitos recipiamus: cum nempe severitas statutorum, Cere-  
 moniarum, ipsaque devotio refrixerint, pessumque jerint. Ita Martinus Valerensis in legenda S. Dominici p. I. c. 5. Specul. Exem. Prat. Florid.

Zacharias Boyerius in Annalibus Capuccinorum anno 1566. Narrat Patrem Franciscum de Fano, ob casum sequentem, ad Capuccinorum ordinem transiisse. Erat is aliquando in extasim raptus, verum sibi postea restitutus, horrore ob sibi à DEO ostensa plenus, citatis gressibus, ad Capuccinorum asceterium accurrit. Didicerat per Divinam revelationem, ut ipse postea non sine lachrymarum fusu narravit: maximam hominum turbam, veluti pluviae guttas ad inferna

ferna descendere, paucissimosquè in æthera sustolli. Plurimos etiam ex Religiosorum ordinibus, qui Regulari observantiæ minimè studuerunt, in tartara mergi.

Novitio cuidam B. V. Maria se videndam præbuit, ad illumquè S. Raphaelem Angelum, ad tormenta inferni, ac Cœli gloriam ostendenda destinavit. Adfuit Raphael Novitio: & ostensis ei æternitatis Beatæ deliciis, tum aperto inferno, iussit illum attentis oculis introspicere, perluctuosum illum populum damnatorum desperanter Vlulantium, præ fame, siti, doloribus, igne, rabie in tormentis. Ibi vidit alium impuris carnis voluptatibus olim deditum, injecto per viscera igne horridè cruciatum, avarum Principem pelle totâ exutum, in flammis. Vanos ac Vanas, quibus puditiæ leges parùm cordi erant, variè carnificatos: Religiosos

ligiosos nonnullos libertinos, ob quædam contra suæ conditionis sanctitatem licenter gesta, igneo illo ergastulo mancipatos, Judam rotæ igneæ horrendo æternoque spectaculo, catenis igneis illigatum. Ita ille novitius *ope Deiparae timere DEUM didicit. Valer. Venetus Prat. p. 1. lib. 2. c. 10.*

P. Mendoza *serm. 5. Domin. Quadrages.* Refert de quodam religioso, cui apparuit Spiritus damnatus ejusdem Ordinis, à quo cum minimam infernalem poenam per odoratum exhiberi petisset, reprobus ille spiritus chlamide levatâ solâ, pectus monstravit; ex quo tam horrendum exhalavit fætoem, ut subito Religiosus ille in terram mortuus conciderit, & per diffusam per universum monasterium pestilentialem puteolentiam, omnes illius Religiosos pariter mori fecerit, cujus monasterii situs adeò desolatus fuit; ut in ruinam declinans,

E

clinans,

clinans, vix lapidem super lapidem  
residuum habuerit.

*Terribilem Historiam* Scriptor Hi-  
spanus enarrat, cum inter duos Reli-  
giosos graves inimicitiae exorta essent;  
unus eorum lethali morbo correptus,  
adversarium ad se advocavit, prius-  
quam Ecclesiae Sacramentis munire-  
tur; eique injuriam omnem remisit  
imò & amplexus est. Hic ut erat pe-  
tulanti ingenio ad socium alium con-  
versus: *bonus ille vir, inquit, mori ti-*  
*met ideoque dimittit.* Pugugit ea vox  
moribundum, ut veniam quam do-  
narat revocaret illicò, adderetque  
diabolicum illud, *nec tibi condono ipse;*  
*nec à te mihi condonari volo.* dixerat,  
& statim in agoniam incidit, sicque  
infelicem animam exhalavit. Fiunt  
tamen ei justa de more, quibus per-  
actis à Religiosis omnibus mensæ ac-  
cumbitur; sed ecce sub hac funesta ac  
lamentabilis umbra ingreditur, atroci  
vultu,

vultu, rigente horridâquè comâ, oculisque ignem spirantibus; tum defixo in omnes obtutu, vocem hanc, velut emissum è nubibus tonitru, emisit: *Ob immane odium quo vivus in terris arsi, ardeo in inferis mortuus, æternumquè ardebo; sed & ille, cujus culpâ ardeo brevi ardebit.* Tum conversus ad illum Religiosum sibi olim inimicum: *Sat episcopus datum est: à mensa surge infelix; lata quippè & in me, & in te à D E O Judice sententia,* dixerat & in illum adhuc Mensæ inhærentem irruit, raptat, stringit, & dum ab hoc & illo, quâ pugnâ, quâ unguibus quâ etiam dentibus ac morsibus res agitur, & fatalis lucta: derepentè sub pedibus dehiscente terra, absorberetur uterquè, atquè ad inferos devolvitur, relicto intollerabili factore, nequè in sepulchro ubi jacuerat, infame cadaver repertum est. *Ita Fran-*

ciscus Christoval. An. 1570. & Engelgrave.

Legitur exemplum de quodam in Italia Usurario in Padagogo Christiano c. 15. Tit. Confessio. Hic nolens hunc quæstum dimittere, in Pœnitentiæ foro ab Urbis Parocho rejectus, in Monachum tandem incidit, qui eum semper absolvebat, ideoquè familiarissimus ei factus, & in dies mensæ adhibitus. Accidit ut liberaliùs unà cænassent, iamquè Religiosus se in claustrum serò vespere receperat, ipse verò vix cubitum contulerat, cum subita morte extinctus est. Atquè illicò ex orco ephæbi eментiti, ad Cænobium convolant, quantociùs Religiosum à tali viro acciri denuntiant. Vadit cum socio & in forum veniens, videt Usurarium Lunæ beneficio, in talari tunica inambulantem, quem non sine stomacho, num  
fe

se rideat percunctatur? Respondet alter alto cum gemitu se vivis excessisse, æternis pœnis addictum ob usuras, & potissimum ob sacrilegum Sacramentorum usum, in quo cum ipse corripere se debuisset, & tacuisset, unâ secum æternis inferorum supplicii cruciandum. Quo dicto, terra hiatu panditur, & hos duos simul cum ephæbis illis tartareis, socio semivivo relicto, absorpsit, qui Superiori tragædiam horrendam enarravit.

*S. Francisca Romana vidit inter tormenta inferni, concionatores in fornace ardente, ac plena serpentibus, datos canibus lacerandos; & os illorum sordibus impleri linguam autem & cor evelli conspexit.* *Valer. Venerus Prat. par. 2. l. 3. c. 75.*

*P. Pinellus* ut multorum redarguat errorem, qui sibi persuadent,

veram se egisse pœnitentiam, eò solum quia peccata sua confessi sunt, licet in ea confessione non fuerint solliciti de faciendo sibi firmo & stabili non recidivandi proposito, sequens refert exemplum *lib. 1. de alt. vit. c. 5.* Erat Canonicus quidam Parisinus, qui licet recreationibus & deliciis deditus esset, cum signis tamen veræ pœnitentiæ mortuus fuit, qui tamen paulò post cuidam amico suo apparuit, eiquè se damnatum esse dixit, cumquè hic eum interrogasset: *Nonne salutis remedia ante mortem recepisti?* Respondit miser: *Recepi, sed mero mortis metu, sine emendationis proposito, & si supervixissem, iterùm ad pristinas delicias, reversus fuissèm.*

*Guillelmus Episcopus Parisiensis,* post matutinas horas orans, vidit inter se & lumen, quasi Umbram hominis tetram, elevatâ ergo manu  
 confi-

consignat se, & si ex parte DEI sit, præcipit ut loquatur. Cui respondit is qui apparebat: *Alienus à DEO sum, sed tamen factura ejus: ego enim sum ille Cancellarius Parisiensis miserrimus. Rur-* sus Episcopus & quomodo tibi est sic dolenti? *damnatus, inquit, sum aeternâ morte, & tres fuere causæ damnationis meæ. Una est, quòd crescentes fructus annuos, contra pauperes timidè reservavi. Secunda est, quòd contra sententiam plurimorum de pluralitate beneficiorum sententiam, propriam defensavi, & in hoc me periculo mortalis culpæ commisi. Tertia est, quòd carnis vitio cum scandalo multo tempore laboravi. Hæc Cantipratan lib. I. Apum.*

*Idem Author refert de altero, qui post mortem apparens, dixit: Hæc sola præbendarum causa est, pro qua infelix ego aeternaliter sum damnatus.*

Quoad dispensationem verò B. Albertus Magnus cuidam qui super pluralitate beneficiorum, idoneâ causâ destitutam dispensationem impetraverat, respondit: *Poteras ire in infernum sine dispensatione, nunc ibis cum dispensatione.*

In Annalibus Ecclesiasticis visionem quandam, Dionysio Carthusiano, pro defuncto quodam Episcopo orationi incumbenti factam legimus. Cùm enim in cella vigilans oraret, à duobus deterritus gigantes formæ Spiritibus; vidit ante se adductum, squalidum, tetrum, ardentibus flammis circumseptum, fumoquè oppletum; cui dixerunt: *Ecce pro quo oras* intuens autem illum Dionysius diligenter, vidit circa ventrem & genitalia ejus immentum agmen serpentum, & bufonum, qui miserum corrodebant, ei quoquè causa mox declarata fuit, ob quam serpentes illam

lam præcipuè corporis partem occupabant, nimirum quia fuerat in vita, in concupiscentiis fæminarum, Mornialium; Virginumquè; stuprator; Raynaldus Anno 1462.

Tilmanus Bredenbachius Colat. lib. 8. c. 12. de Walthero Demere nobili viro, qui Carolo quinto ab obsequiis erat, scribit: quòd dùm in partibus Borealibus vento propitio in Islandiam navigaret, contigerit, quòd inciderit in aliam quandam navim, quæ vento pariter favorabili, ad ei occurrendum solverat, in puppi verò navigii monstrum quoddam erat, partes agens Naucleri, nigrum & deforme. Cumquè nauta Waltheri, monstrum interrogasset quas merces veheret, & quonam tenderet? *Dæmon* (hic enim Nauclerus erat) *respondit confestim ei, se Archiepiscopum vehere, clamavitquè: tendimus ad mon-*

*tem Heclam*, id est ad locum, ubi dicitur Jesse fenestra inferni flammam vomens. Quæ verba à Walthero audita, eundem ad mutandam vitam & mores, efficaciter permoverunt.

*Frater Martinus à Matre DEI excalceatus Carmelita in suo Gymnasio Philosophiæ Christianæ, refert visionem mirabilem, Venerabilis Matris Annæ à S. Augustino Carmelitane excalceatæ de poenis inferni, inter quas poenæ Episcoporum tales ab ipsa visæ. Eminebant flammis è thronis, qui Pontificatûs aliquando fastigium tenuerunt. Quos despectis eorum dignitatibus, vice mitrarum probroso quodam pileo (corocas vulgus Hispaniæ vocat) catamidiabant, sæpiusquè ferventibus, ahenis, nec non lacunis aquæ fætidissimæ, cæniquè graveolentis, mergebant & volutabant: ac ne horum quidem saturi, venenatis bestiis, cruciandos ob-*  
jicie-

jiciebant. Infimum inferni hi occupant : quia in mundo summa tenuerunt.

Hinc Religiosi quoquè & aliæ ejusmodi Personæ, quas sui statûs sublimitas, DEO fêcerat propiores, hoc eodem in barathro torquentur. Vidi namquè illic è singulis ordinibus, celsissimisquè dignitatibus, quosdam inter infernales illas flammâs, æstuantés : dignoscuntur autem clarissimè : Utiquè suo quemquè prodeunte insigni. Poena pro ratione peccatorum acerbissima : iis verò qui majorem serviendi commoditatem, majoremquè ejusdem gratiam nacti sunt, longè quàm cæterorum immanior.

Anachoretas etiam complures hoc in profundo perspexi, quibus eremus nihil profuerat quominus eò

devenirent. Quippè sibi tribuentes, quod DEO debebant, suisquè actibus, non DEI, sed suam ipsorum gloriam aucupantes, malorum æternorum ob suam hypocrisim facti sunt hæredes.

Proprietarios & Apostatas, manibus pedibusquè, vinculis ferreis adstrictos, ingentibus catenis trahentes Diaboli, nunc humi sternebant, nunc crudelissimè pulsatos, cippis & ergastulis mancipabant. Insuper proprietarii, bursas complures vermium plenas, gerebant ad pectora: qui viscera eorum rodentes depascebantur aliis oculos, aliis à cervicibus cerebrum dæmones eruebant, trudebantquè per summam rabiem, in fornaces igni luculento ferventes. Alios arripiebant, angustissimis in ipso profundo mandandos sepulchris. Quorum quidem aliquos gutture te-

nus,

nus quosdam etiam integros operiebant. Qui quid ibi sentirent, horribili ejulatu, fatiis, indicabant.

Portò in hujus profundi profundissimo, vidi cuiusdam Ordinis Religiosum, & Religiosam, quibus sua professio, justo DEL judicio, non præsidio sed rigidiori damnationi erat. Quorum proinde poenas immensas, nescio quibus verbis exprimam. Ejulabant enim acerrimè: crimina ob quæ plectebantur, palam promulgantes. Quæ erant, Inobedientia, Invidia, atquè luxuria. Religioso, sacerdotium etiam ad poenarum incrementum accesserat: Unde & gravius patiebatur, altiùsque demersus erat: Probè utrumquè agnovi. Vidi illos nudos, & quanta cogitari potest, inò majori multò oppressos miteriâ: Ut me infelices viderunt agnovère protinùs: ideoquè pudore

pudore suffusi, confusi, & anxii,  
 me discerpturi videbantur; tantâ ra-  
 bie efferbuerunt, me verò hæc tan-  
 ta eorum miseria haud parùm af-  
 flixit.

*Hæc etiam spectat tremenda visio de  
 penis inferni, Vener. Patris Guilhelmi  
 Tolosani Eremitæ Augustiniani. S. Theolo-  
 giæ Doctoris, ad quem benevolum lectorem  
 remitto. Liber est approbatus Gandavi  
 anno 1647.*

Vaselus quidam dùm iter ageret,  
 accidit ut Juxta Molendinum, equo  
 insidens pertransiret, & ecce repen-  
 tẽ monstrum immane conspexit, quo  
 viso subitò eum terror invasit, &  
 stupefactus intremuit. Videbatur  
 monstrum illud, in aures aselli, caudam-  
 quẽ desinere, cætera ursus erat; cùmq;  
 viator ad hoc portentum, territus ob-  
 rigesceret, fugamquẽ præcipitem for-  
 midolo-

midolosus iniret, informe prodigium  
 humanæ vocis verba formavit: Noli  
 inquit, ò vir expavescere! hominem me  
 olim fuisse, sicut & ipse nunc es procul-  
 dubio crede, sed quia bestialiter vixi,  
 post vitæ finem, bestie referre speciem  
 merui. Porro cum ille perquireret  
 quis fuisset? Ego, ait, solo nomine  
 Benedictus fui, qui nuper Apostolicæ se-  
 dis, apicem obtinui. Inquiritus autem  
 quidnam retributionis haberet; nunc,  
 inquit, usquè ad diem iudicii per dumosa  
 atquè squalentia, per sulphurea loca, at-  
 què fetorem exhalantia, atque incendiis  
 conflagrata rapior; post extremum vero ju-  
 dicio, corpus meum simul & animam ir-  
 remediabiles cruciatus, & gebennalis ba-  
 rathri irrevocabilis olla deglutiet. Ita Flo-  
 res exempl. Tit: 4. Exemp I. Tom. 4.

Quid itaquè meruet: ( inquit  
 S: Bernardus Compunc. cord. c. 20. ) Si  
 quis ad ista non trepidat, non expa-  
 vescit,

vescit, non timore concutitur? dum  
 & ipse Dæmon horret ac terretur,  
 cùm hoc nomen *Infernus* audit. Teste  
*S. Cypriano Epist. ad Demetr.* O DEUM  
 immortalem! Diabolus timet ge-  
 hennam, & Sacerdos non terretur  
 ejus tormentis ac suppliciis. Quam-  
 vis ignis ille exæstuet, nos tamen ri-  
 demus, & delicias amplectimur, &  
 licentiosè peccamus. Deplorat mise-  
 riam nostram *D. Chrysostomus Hom. 55. ad*  
*pop. Antioch.* Deplorat & lamentatur *Esaias*  
*Abbas Oratione 26.* dùm dicit: Væ no-  
 bis qui tenebrosum illud & materiæ  
 expers incendium, æternumquè &  
 amarum fletum, & stridorem den-  
 tium, non consideramus! Ablato e-  
 nim flammæ splendore, DEUS in  
 illo igne, reliquit urendi vim & ob-  
 scuritatem, quâ magis impii excru-  
 ciantur. Væ nobis! qui hîc sine ti-

more

mōre nos peccatis obstringimus ,  
 quoniam nos ignis illic æternus exci-  
 piet , & tenebræ exteriores , & ver-  
 mis qui non dormit , & luctus , &  
 stridor dentium , & coram Angelis  
 & creaturis omnibus , dedecus tem-  
 piternum ! Væ nobis , qui cūm assi-  
 duos conscientiaē reprehendentis sti-  
 mulos sentiamus , non erubescimus ,  
 nec rationem actionum nostrarum  
 reddituri , DEI iudicium formida-  
 mu ! Væ nobis , qui in hoc exi-  
 guo vitæ spatio , ut iniquæ & brevi  
 carnis cupiditati satisfaciamus , nos  
 jucundissimo Divinaē gloriaē specta-  
 culo indignos constituimus !

Eximat hīc & *S. Isidorus* velut  
*infernum videns* : Succurre mihi DEUS  
 meus , antequam tartarus me rapiat ,  
 priusquam ab igne inferni devorer.  
 Plorate me coeli & terra ; lugete me  
 omnes

omnes creaturæ ; flete me omnia elementa. *Ita ille.*

Ah Sacerdotes ! Nolite & vos misericordiæ Divinæ tempora perdere , nolite accepta remedia dissimulare , ante supplicium cogitate de supplicio. Mente ergò & cogitatione infernum ingredimini , & horribiles ejus cruciatus atquè tormenta , paulò penitius inspicite , & considerate , nè post mortem anima pariter cum corpore , in æternos illos carceres detrudamini ! O quicumquè cum Petro cecidisti , & in diaboli favorem peccando , Dominum ac DEUM tuum toties abnegasti. *Pone tibi amaritudinem , & dirige cor tuum in viam rectam. Jerem. 31.* Inferni poenas , gehennæ incendia intuere , & poenitiæ viam cum Petro arripe , animæ salutidùm tempus est prospice , tequè ipsum constitue in perpetua securitate.

O fe-

O felices lachrimæ ! ( *exclamat S. Thomas de villa nova* ) ô felices gemitus !  
 ô felices singultus ! quibus perpetuos  
 illos evitamus gemitus & dolores ;  
 felix pœnitentia quæ liberat à Gehenna.  
 Peccavimus fratres , pœnitendum  
 est , aut ardendum : quantò meliùs  
 modicùm pœnitere , quàm perpetuò  
 ardere. Alterutrum è duobus eligamus ,  
 ( *clamat S. Bernardus Lib. de anima* )  
 aut semper cruciari cum impiis ,  
 aut perpetualiter lætari cum Sanctis ,  
 bonum siquidem & malum ,  
 vita & mors , ante nos sunt posita  
 voluptas brevis pœna æterna. Momentaneum  
 quod delectat , æternum quod cruciat.  
 Elige , semel malè elegisse ,  
 semel perriisse , æternum est.

*Quid ergo ludimus ? venit æternitas.*

*Cur tempus perdimus , querit æternitas.*

*Et hæc quæ scribimus , legit æternitas.*

*Et quæ delinquimus , scribit æternitas.*

Honores

Honores fugiunt ; manet aeternitas.

Aurum te deserit ; manet aeternitas.

Caro dilabitur , manet aeternitas.

Et pro tam vilibus, tam seva aeternitas.

Poenas, & præmia, monstrat aeternitas.

Momenta mellea , plectit aeternitas.

Tormenta fellea , promit aeternitas.

Eheu pro qualibus, qualis aeternitas ?

Quid, heu ! quid stertitis ? clamat aeternitas.

Æterna perditis , urget aeternitas.

Nugas diligitis , monet aeternitas.

Calum negligitis : instat aeternitas.

*Libro Adamio Stanpolei  
 Piana. Si Sacra. Tho.  
 vita. Apostolica. Piana  
 Publicis*



# CAPUT IV.

## GLORIA CÆLESTIS

*Sacerdotis Major.*

**S**ANCTORUM gloria, (sed præcipuè Sacerdotum) excedit omne bonum præsentis vitæ. *inquit Doctor Angelicus 1. par. q. 46. ar. 6. ad 3. Apoc. 4.* Sanctus Joannes vidit DEUM in throno Majestatis pleno. In circuitu sedis sedilia viginti quatuor. Qui obsecro has cingebant occupabantquè sedes? forsitan Seraphim. Minimè equidem, quin potius juxta Isaïæ prophetiam: *Seraphim stabant*, quidni ergo & Angeli inferiores. Sedebant itaque Sacerdotes, id quod per hæc verba exprimitur. *Et super thronos, viginti quatuor seniores sedentes*  
 Quos

Quos Sacerdotes fuisse ex illa particula *Senior*, quæ Presbyterum significat, clarè evincitur. Unde & Sanctus *Isidorus* ait: Presbyter dicitur senior, quòd non ad ætatem sed sensum referendum est; quia senectus venerabilis est, *Lib. 1. de sac. fid. c. 39.* At in sequenti capitulo expressè dicitur: *Fecisti DEO nostro Regnum & Regnabimus. Apoc. 5.* Cùm è converso Angeli non sedeant sed stent; *siquidem decies centena millia assistebant ei. Dan. 7.* Lucifer pariter, qui dicere non erubuit. *Sedebo, in abyssum præcipatus corruit.* Ecce itaque Sacerdotum in cælis dignitatem, honorem, & gloriam majorem & ampliorem, dùm singuli horum sedent, stantibus Angelis.

Imò & ipsam in hoc Deiparam virginem superare videntur Sacerdotes: de illa enim dicitur: *Astitit Regi-*

na à

na à dextris tuis in vestitu deaurato , circumdata varietate Psal. 44. Ubi S. Bernardinus Tom. 1. ser. 6. ar. 2. Astitit , inquit , Regina à dextris tuis in vestitu deaurato , id est , cum corpore glorioso , ex cujus splendore , post Filium suum tota lucescit Civitas Beatorum. Mirabilis profectò res , quòd Christus charissimam Matrem suam , æquis oculis à dextris suis , erecto corpore stantem videre potuerit. Quod si enim Salomon Matrem suam , in aula sua recipiens , illam juxta latus suum sedere fecit ; *Positus est thronus Matris Regis , quæ sedit ad dexteram ejus* 1. Reg. 2. Quomodo Christus qui in honoribus debitis Matri reddendis Salomoni nequaquam cedit , permittere potuit , quod Mater sua in gloriæ suæ aula , ancillæ instar ad dextris consisteret ? *Richardus à S. Laurentio dat rationem. Dicit : Astitit , à promptitudine auxiliandi. Nihilominus*

minùs potest etiam dici, ad demon-  
strandam quodammodo altiorem glo-  
riam Sacerdotum in coelis, qui illic  
sedere dicuntur. Ut quemadmodum  
superabant B. V. Mariam Sacerdotes,  
secundùm Quid, in terris, ita & in  
coelis sessione superare videantur:  
Nam S. Bernardinus ait: Potestas Sa-  
cerdotalis, superat potestatem Vir-  
ginis gloriosæ. Et S. Vincentius Fer-  
rerius: Beata Virgo solùm semel a-  
peruit cælum; sed Sacerdotes quo-  
libet die & in qualibet Missa. *Nimis  
confortatus est Principatus eorum.*

D. Chrysostomus Hom. 5 de verbis  
Isaiæ ait. Sacerdoti thronus in cœlo  
collocatus est, & de cœlestibus ne-  
gotiis pronuntiandi habet authorita-  
tem. Unde, Theophilaëtus in cap.  
20. Joan. Vide inquit, Sacerdotum  
dignitatem, quòd Divina sit, DEI  
enim est remittere peccata; Sic igitur

non- tur illi honorandi sunt ut DEUS,  
 glo- nam quamvis indigni sint, quid  
 illic hoc? Divinorum donorum mini-  
 dum stri sunt, & gratia operatur per  
 otes, eos. De Potestatibus Angelicis di-  
 & in citur, quòd contremiscant coram  
 tur: DEO. Tremunt Potestates. At ve-  
 s Sa- rò de Sacerdote S. Ephrem. ait: Cum  
 Vir- Angelorum Domino, & omnium  
 Fer- Creatore familiaritèr agit.

Regius Propheta Psal. 46. ad  
 Nimis Sacerdotes alludit, dùm altitudinem,  
 ad quam sublimati sunt considerans,  
 ait: *Dii fortes terræ vehementer elevati  
 sunt.* Ubi septuaginta legunt: *For-  
 tes DEI.* Idem David eminentiam  
 Sacerdotum declarat dicens: *Secun-  
 dùm altitudinem tuam multiplicasti filios  
 hominum,* ubi D. Chrysostomus, locò  
 multiplicasti, legit, *elevasti, extuli-  
 sti.* Elevavit autem eos ad æqualita-  
 tem suam, quia secundum altitudi-  
 F nem

nem tuam, nec mirum, quia ipse-  
met de eis dicit: *Ego dixi, Dii estis.*  
*S. Dionysius Areopagita*: Qui Sacerdo-  
tem dicit, augustiorem, prorsusquē  
Divinum insinuat virum. *S. Hilarius*  
*Papa* de Sacerdotio scribens: hujus  
sublimitatis rationem his verbis assi-  
gnat: scilicet, quia assumitur in Di-  
vinæ Trinitatis brachium dextrum:  
siquidem Sanctissima Trinitas, hic  
in terris mediantibus ministris suis,  
adoratur, agnoscitur, & glorifica-  
tur: Nam per manum Sacerdotum,  
Sacramenta & Sacrificia, quæ præ-  
cipua sunt honoris & gloriæ DEI  
instrumenta, esse suum, & substan-  
tiam accipiunt. Undè Apostolus I.  
Cor. 3 ait: *DEI adjutores sumus.*

*Aternus Pater Unigenitum*  
suum honoraturus, judiciariam ei de-  
legavit potestatem. Sic enim in acti-  
bus Apostol: dicitur: *Ipse est qui*  
*constitu-*

constitutus est à DEO *Judex* vivorum & mortuorum *Actor* 10. Et in S. Joanne c. 5. *Pater omne Judicium dedit Filio.* Certum autem est, quòd Angeli non erunt assessores, sed sententiam DEI approbantes, & ut nostri accusatores. *Rationem dat D. Thomas.* Quoniam *Judices assessores* debent esse *Judici* proportionales & conformes. *Judex* autem *Christus* in natura corporali apparebit, secundum quam ab omnibus videri possit, ideo oportet, ut *Judices assessores*, naturam habeant humanam, quod Angelis non competit. *Judices* ergò assessores erunt *Apostoli*, & omnes *Sacerdotes*, & *Christum* sectantes: *Vos qui reliquistis omnia, & secuti estis me, sedebitis & vos super sedes duodecim, judicantes duodecim tribus Israel.* Matth. 19. *Judicabunt Sancti nationes & dominabuntur populis.* Sap. 3. Quòd autem *Sacerdotes* præcipuè

sint iudicaturi cum Christo probatur  
 ex proportione, cum Christo supremo  
 Iudice, quem S. Joannes Apoc. I.  
 describens, dicit: gladium in ore  
 suo portaturum: *Et de ore ejus exibat  
 gladius ex utraqùe parte acutus. Apoc. I.*  
 In dextra septem circumferet stellas:  
 & in manu dextra septem stellas. Veste  
 indutus Sacerdotali. *Vestitum podere.*  
 Quia itaque soli Sacerdotes Christo  
 Iudici erunt veste proportionales, ideo  
 ipsi potius Iudices assessores erunt.  
*Hinc S. Chrysostomus Hom: 5. de verbis  
 Isaie*, de iudicaria potestate Sacerdo-  
 tibus delegata scribens, ait: Sa-  
 cerdoti thronus in coelo collocatus est,  
 & de caelestibus negotiis pronuntian-  
 di habet auctoritatem: quid cum  
 honore hoc conferri possit? Id-  
 circò & propè DEUM Sacerdotes  
 locum obtinent. *Teste S. Ignatio Mar-  
 tyre qui Apostolorum tempore vixit. Sic  
 enim ad Smyrnenses scribit, epist. 10.*  
 Honora inquit DEUM, ut omnium  
 Autho-

Authorem & Dominum ; Episcopum ut Principem Sacerdotum , imaginem DEI ferentem , DEI quidem propter Principatum. Christi verò propter Sacerdotium ; honorare oportet & Regem. O quantam dignitatem ( *exclamat admirabundus D. Bernardus ser. 8. de Pasch.* ) quantam nobilitatem quantumquè donum contulit vobis D E U S ô Sacerdotes ! Prærogativam enim Ordinis vestri , prætulit D E U S omnibus Regibus , & Imperatoribus terræ , prætulit ordinem vestrum omnibus ordinibus Angelorum , & omni Angelicæ Hierarchiæ &c.

Hoc autem præmium , & majorem gloriam Sacerdotes obtinent , pro conversione animarum. Teste Origene in illud Levit. 7. ad Sacerdotem qui eam obtulerit scribente : Discant Sacerdotes quia pars data est eis ,

cum his scilicet, quos ad pœnitentiã adduxerint, & tales effecerint, ut propitijs eis sit DEUS, meritum enim subditorum, merces erit, & gloria talium Sacerdotum. Et certè hæc gloria multorum Sacerdotum in morte ostensa fuit & post Mortem.

In S. Petri Apostoli Martyrio à multis Angelos viſos tradunt, coronas illi rotarum litorumquè porrigentes, atquè etiam juxta ſtantem Chriſtum, apertumquè librum manu tenentem, in quo ea ſcripta conſpiciebantur, quæ Petrus ad populum ſando expromebat, & dum plebs vellet eum ſubtrahere neci, ne oblatam ſibi gloriam impedirent, petiit. *Marculus lib. 6. c. 16.*

S. Andreas Apoftolus, biduo pendens in cruce, docebat populum, circumdatus magno lumine, abſcedente

dente postmodum lumine, emisit Spiritum. *In Actis ejus.*

Dum extremum vitæ perageret *S. Daniel Episcopus*, Angelorum concentu, & miri odoris fragrantia tota Civitas adimpletur. *S.* autem Pater, erectâ ad coelum tam mente, quàm facie, exclamavit, dicens: *Domine accipe Spiritum meum.* Ad quem Angelus audientibus fratribus ait: præpara te ad Kalendas Martii, quia tunc Rex mundi *JESUS* Christus tibi occurret, & cum eo multa Angelorum millia. *In vita ejus.*

*S. Martini Episcopi Turonensis* vultus cum obiisset, splendidus apparuit: Angelici præterea cantus circa ipsum auditi sunt. *Marul. lib. 6 c. 16.*

S. Bartholomæus Apostolus à S. Mechtilde, in gloria, cum aurea cruce fuit visus, & Christi ore, à Cruce Christi Sanctè portata laudatus. P. Nadasi.

S. Matthæus Apostolus. Iphigeniæ Regis filiæ, post mortem unâ cum Angelo apparuit gloriosus eamquè solatus *idem*.

S. Augustinum cum S. Bernardo vidit S. Gertrudis, pulchritudinis gloriâ decorum, & de corde ad corda splendorum igneos emittentem, ac radios ab ore spargentem.

S. Richarius Presbyter, post mortem in aula splendida inambulare visus, & de illa, pro brevibus laboribus, datâ sibi Gloriâ gratulari & JESU gratias agere auditus est. *Vita eius.*

S. Tho-

S. Thomæ Cantuariensi Archiepi-  
scopo, miræ pulchritudinis thronum,  
Apostolorum sedibus contiguum,  
præparari in coelo, se vidisse, qui-  
dam mortuus magno miraculo ad  
vitam revocatus, graviter affirmavit:  
*Surius Tom. 6.*

S. Benedictus, filiaæ suæ Ger-  
trudi apparuit; totus efflorescentibus  
ex se rosis, undiquè corpore toto  
vernans; singulis rosis alias rotas  
fœcundo sinu fundentibus, quo spe-  
ctaculo docuit, quanto præmio co-  
ronaret DEUS afflictiones suas,  
quibus membra super terram do-  
muerat. *Annus. cel.*

S. Quidam Abbas, lectos duos  
aureos admirabili ornatu comptos,  
ab Angelis deferri vidit, audivitque  
vocem, in eorum altero S. Anselmum,

in altero Hugonem Cluniacensem Abbatem, in æternis gaudiis recipiendum: exindequæ conjecturam cæpit, utrumquæ eo die vitâ functum, quod eventus rei tandem comprobavit. *Surius in vita S. Anselmi.*

*S. Thomas de Aquino* post mortem cum Angelis & *B. Alberto Magno* Magistro suo, coram throno Divinæ Majestatis, à *B. Mathilde Cisterciensi* virgine conspectus est: ac postmodum ob puram in omnibus intentionem stellato pectore apparuit gloriosus. *P. Nadafi.*

*D. Hieronymi* corpus cum Spiritum reddidisset, subita lux circumfulsit, visi sunt Angeli & Christi vox audita, quæ illum ad possidendum cæleste Regnum invitaret. Eâdem horâ *Cyrillus* Episcopus Hierosolymitanus, animam ejus Angelicis

cis gestatam manibus, cælum versùs tendere conspexit. *Marulus lib. 6. c. 16.*

*S. Franciscus de Sales* Episcopus, post mortem Lugduni agræ atque depositæ Novitiæ, in mitra & cultu splendido, inter duos è cœlo Adolescentes, ardentibus facibus instructos, se spectabilem præbens dixit: *Confide filia: Pete tibi cor meum hûc afferri, & illico convalesces.* Et illa coram allato ejus corde, in preces effusa continuò convaluit. *Ann. Coel.*

*Ursinus Nursiæ* Presbyter, castus ac S. dùm animam ageret, lætus exclamavit, gratias agens iis quos ad se venisse solus cernebat. Et quærentibus qui ei assidebant, qui essent illi quorum adventu tantò opere gauderet Nunquid non videtis, inquit, Petrum & Paulum Apostolos hîc adesse & evocare me? Mox ad eos, quos

tantum ipse videbar, conversus dum  
repereret: *Venio, venio, ecce venio,*  
cum iisdem abiens corpus exanime reli-  
quit. *S. Greg. Dial. l. 4. c. 11.*

S. Robertus Abbas mortuus,  
à tribus Angelis caelo inferri est vi-  
sus, conspectis tunc, ab ejus con-  
fessario, duobus muris ad coelum  
usquè porrectis, & anima ejus in-  
star globi ignei collucente, latranti-  
bus contra semper iis quos semper  
vincebat, dæmonibus. *Ann. Sanct.*

S. Nicolaus Tolentinus sex ante  
obitum mensibus, singulis noctibus,  
centum Angelicum audivit; &  
MARIÆ Matri, ac S. Augustino Pa-  
tri, ipsi hinc exeunti, obuiantibus a-  
nimam dedit, bonus filius utriusquè  
*Vita ejus.*

S. Augu-

S. Augustini Corpus , quo die  
mandatum sepulturæ fuit , Mona-  
chus quidam procul inde manens ,  
& in spiritu raptus , vidit infulâ &  
Pontificalibus indumentis insignem ,  
sedere intra nubem candoris eximii ,  
de oculis ejus promicantes radii , to-  
tam illuminabant Ecclesiam , & ubi-  
què incredibilis odoris fragrantia ,  
nares oblectabat. Post hæc à Ber-  
nardo Abbate visus est , dùm per  
noctem sermones ejus à fratribus le-  
gerentur in Ecclesia , limpidissimas  
ore aquas vomens , quibus totum  
Ecclesiæ pavementum , supra modum  
inundabat. *Marulus l. 6.*

S. Joannes Eleemosinarius Epi-  
scopus , à Juvene aureum sceptrum ,  
manu gerente & splendido , hæc  
audivit : *veni, iuberis, Rex Regnantium  
querit te :* ejusquè anima , obviis  
paupe-

pauperibus , coelum visa est petere  
gloriosa : quem S. Petrus post mor-  
tem , in æternam cœli mansionem  
inducere visus est. *Surius in vita ejus.*

S. Norbertus Archiepiscopus ,  
eâ; quâ migravit horâ, visus est in ve-  
ste candida , olivæ ramum manu te-  
nens ac se illum è Paradiso habere te-  
status. Alii è suis visus est totus  
in lilium candidum commutari ,  
quòd ab Angelis cœlo illatum  
est. Alii apparuit in domo pulcher-  
rima & illustri ; eum de salute sua  
quærentem complexus , in sede splen-  
dida secum sedere jussit , atquè dixit  
*Dictum est mihi ; veni requiesce. In pace  
& requie sum. Vita ejus.*

S. Petro Coelestino , post abdicatum  
Pontificatum Romanum inorien-  
ti , Angeli applausere , eumquè ad  
Magistrum JESUM , ac Mariam du-  
xere.

xêre. Cujus animam cùm in cœ-  
lum ferri videret quidam, peteret-  
què consilium, quid sibi agendum  
esset, ei sanctum silentium suavit. P.  
*Nadasi.*

*S. Carolus Borromæus* Cardina-  
lis, Francisco Adomo è Soc. JESU,  
confessario suo post mortem pulcher-  
rimus apparuit, & dixit: *benè mecum  
agitur.* Tu quoque brevi accerferis:  
eiquè mortem imminentem prædixit.  
*S. Dunstanus* Archiepiscopus, à Che-  
rubinis & Seraphinis, auro corona-  
tis ad cœlum invitatus, Sabbatho  
moriens, visus est unà cum lectulo  
ferri in cœlum. *Vita ejus.*

*B. Jacobus Alemannus.* Ord. S.  
Dominici ab Angelo audivit: *Serve  
DEI esto fidelis usque ad mortem,* ingen-  
tia sunt quæ tibi pro parvo labore ac  
certamine proponuntur præmia, ad quæ  
ingenia

ingentia præmia , prævisâ prius morte corde per generalem totius vitæ confessionem , mandato abiit viso hic in extasi floribus , & concentibus amantissimè deliciarum Paradiso fruiturus æternùm. *Vita ejus.*

Expirante S. Francisco Seraphico quidam fratrum animam ejus in stellæ specie , de ore emicuisse , cælumquè petiisse vidit. *In vita ejus.*

Quâ horâ Neapoli ad coelos evolavit S. Patriarcha Cajetanus , dum extaticus esset in Hispania S. Petrus de Alcantara , ejus animam ad coelestem ascendere Patriam vidit , exclamavitquè : Hodie in mundo una ex præcipuis Ecclesiæ columnis cecidit. *Joan. à S. Bernardo de S. Petr. de Alcant.*

S. Antonius Abbas , non modico  
locorum

locorum intervallo discretus, Ammonis Abbatis obitum cognovit, cum animam ejus multo candore illustrem, & in sublime tendentem conspexisset. *Marulus lib. 16. c. 16.*

Inter coelestes voces Angelorum & cantus, felicissimus spiritus B. Laurentii Justiniani, velut igniculus, in coelum emicuit. *In vita ejus cap. 12.*

In obitu venerabilis P. *Andreae ex Olmo*, qui in Indiis occidentalibus quadraginta tres totos annos, in prædicanda Catholica fide consumpsit, auditi sunt Divini concentus. *Bozius de signis Eccl. lib. 12 c. 21.*

Paulò antequam venerabilis Frater Petrus *Nicolaus Fattorus* è vita emigraret, suavissimas Angelorum cantus, in ejus cella à multis auditus est,

est qui & in Ecclesia nocturno tempore, dum ibidem ejus corpus moraretur iterum insonuit. *In Chronicis Minorum.*

In obitu Agilli Resbacensis Abatis, Ado Monachus lætantium Angelorum cantus audivit. *Marulus lib. 6. cap. 10.*

*Marina de Escobar* quemadmodum habet in ejus vita *Ludovicus de Ponte*. Vidit de Societate J E S U in cœlo splendidos multos, è quibus, illi qui se afflictandi studio fuerant in vita magis addicti, habebant cruces pretiosas in manu. *lib. 4. c. 14 § 2.*

S. Andreas Corsinus post obitum familiari sibi Canonico apprensus, in veste candida, & lilia, rosasque gerens manibus, ea virginitatis suæ ac pudicitie symbolo & præmia esse dixit.

dixit. Ex relatione Romæ impressâ,  
pro Canonizat.

Leo è primis unus Sociis S.  
Francisci gloriosum Coelitum agmen  
in coelo vidit. In toto illo agmine  
unus præ aliis eminere videbatur Ber-  
nardus de Quinta valle, è cuius pul-  
cherrimis, & omni sole illustriori-  
bus oculis, pleni gloriæ radii emi-  
cabant. Petenti splendoris illius cau-  
sam: responsum è coelo est: illud  
præmium esse Bernardi, quòd cum  
viveret omnia quæ videbat, in meli-  
orem partem fuerit interpretatus, ne-  
què se ulli iudicem præfecerit, sed  
omnes pro se ut meliores fuerit ve-  
neratus. *Histor. Minorum.*

Falsus est Religiosus quidam,  
se à langvore omni, ad mirum in  
Spiritu ardorem inflammatum, viso  
mortuo nuper P. Barnaba La Vecchia,  
&

& auditis ex illo verbis illis : *Utinam  
faperent , & intelligerent , ac Novissima  
provident.* Obiit Bivona An. 1614.  
19. Aug.

S. Casarius Episcopus , ut se ac  
suos à torpore fervaret , familiares  
habuit voces illas , quas etiam inter  
dormiendum auditus est altâ voce re-  
petere : *Duo sunt : Nihil est medium !  
duo sunt ! Aut in celum ascenditur , aut  
in infernum descenditur.* Et cogitatione  
illâ armatus ita exarsit ad miram quan-  
dam flagrantiam ; ut biennio ante  
mortem , conspectâ eâ , quæ in cœ-  
lo ei repositâ erat , coronâ , vocem-  
què de cœlo audierit in hæc verba.  
*Letare in Domino , ecce quæ percipies pro  
tuo servitio.* Talis est vita , & fer-  
vor , & Mors , & Corona flagranti-  
um in amore DEI. Non sinit illos  
dormitare , Mortis Judicii , Inferni ,  
& Gloria Cœlestis memoria. At  
quanta

quanta est illa gloria Beatorum ? Nec  
oculus vidit nec auris audivit, nec in  
cor hominis ascendit, quæ præpara-  
vit D E U S illis qui diligunt illum.  
*Inquit Apostolus 7. Cor. 2.*

Cum magno teneretur deside-  
rio. *D. Augustinus sciendi quanta sit glo-  
ria Beatorum in coelo, decrevit in hoc  
negotio consulere S. Hieronymum qui  
tunc obierat inscio ipso. Vix Episto-  
læ salutationem scripserat, & ecce  
præstò adest S. Hieronymi anima in-  
effabili lumine circumsepta. Expavit.  
S. Augustinus corruens in terram. Ne  
timeas, (inquebat vox è splendore pro-  
cedens) Ego sum frater tuus Hieronymus,  
qui in hac hora apud Bethleem in Cælum  
mirgravi. Novi desiderium tuum. Glo-  
riæ Beatorum magnitudinem nosse ayes ?  
Peto à te, Numquid potes numerare multi-  
tudinem stellarum ? Nunquid poteris totum  
mare parvo vase concludere ? Nunquid to-  
tum*

tum mundum pagillo tuo complecti? Respondit Augustinus & bene, se nihil horum posse. Subdit S. Hieronymus: Dico tibi, hæc omnia magis possibilia, quam minimam futuræ gloriæ partem explicare. Excedant omnia humanæ mentis captum. Operare quod operaris, ut tandem ad eadem gaudia cursu vitæ de nensu pertingere merearis, & sic evanvit S. Augustinum, ingenti gaudio perfusum relinquens. Didacus dela vege in Psal: 50.

B. Joanna Sanctimonialis, post mortem sorori suæ Sanctimoniali adfuit, ac dixit: Talia esse Coeli gaudia, ut etiamsi firmamentum totum non nisi membrana, pelagus atramentum; herbe & gramina calami, omnes denique Creature scriptores essent; ea explicare non possent. Menelog: Cisterciense.

Idem & ipse Dæmon aliquando

ex

ex ore, obfessi dixit: Si totum coelum  
 esset Pargamentum, & totum mare atra-  
 mentum, & omnes stellæ magistri Pari-  
 sienses, & omnia stramina calami: hi om-  
 nes Magistri, & ceteri, nec exprimere scri-  
 bendo; nec exponere loquendo possent mini-  
 mum gaudium, quod percipiunt Sancti ex vul-  
 tu DEI. Stanichurst. de 4. Noviss:

Jordanus è D. Dominici familia vir  
 magnus interrogavit hominem à Dæ-  
 mone inleffum quid perperi non recusa-  
 rer, ut DEUM intueri posset? ad quæ in-  
 vitus hospes respondit: Si ego solus o-  
 mnium sociorum meorum Infernalium, pæ-  
 nis ac supplicis par essem, non eas detrecta-  
 rem usquè ad supremi Judicii diem perfer-  
 re, modò demùm liceret DEUM intueri.  
 Expavit vehementissimè ad has voces  
 Jordanus, & iterùm, dic, ait, Pulchri-  
 tudinem Conditoris nostri, cui rei  
 creatæ comparandam censes? hæc

stultè

stultè quæri malus genius reposuit.  
Sed quia id scire aves, compendio dicam: Si pulchritudo omnium florum, gemmarum, syderum, animalum, hominum in unam confluerent elegantiam, quis mortaliū eam satis æstimaverit? Atqui certò scias, hanc omnium rerum creatarum venustatem, velut colliquatam cum Divina pulchritudine, minùs conferri posse quàm densissimas tenebras, ad clarissimum meridiem.  
*Joan. Herodotus in ser. lib. 5.*

Hinc *Franciscus Arias lib. de imitatio: Christi 1. par. tr. 3. c. II.* Si, inquit, Sanctorum aliquis, per mille annos in hac vita, omnia tormenta Martyrum perferret; dein **DEUS**, tantùm per spatium unius salutationis Angelicæ se illi ostenderet in gloria, fateretur sufficientem se accepisse mercedem. Idcirco *S. Chrysostomus*, ut uno ictu oculi, per transennam contueri liceret venustissimum

simum JESU vultum, plenum gratiarum, paratum se omnia inferorum cruciamenta, experiri professus est.

Quòd si DEUS (*inquit S. Brigitta in revelationibus suis*) hodie nobis venustatem demonstraret unius animæ Beatæ, tantus foret cordium nostrum jubilus atquè exultatio; ut citra speciale DEI miraculum, præ lætitiæ exuberantia supervivere non possemus.

*Author Philosophiæ veri Christiani, meminit Dæmonis ore energumeno coacti, ad quæsitâ de felicitate prædestinatorum in cœlo regnantium respondere, qui dixerit: se, si corpus haberet, paratum fore in Mortario contundi, aut exuri in fornace aliqua, usquè ad finem mundi, ad hoc, ut vel, ad quartam horæ partem, beatis prædestinatorum gaudiis frui posset. pag. 94.*

Coloniae ante annos circiter  
 400. in aede D. Petri multa Diabo-  
 lus per foeminam à se infessam effuti-  
 vit. Inter caetera interrogatus, me  
 audiente (*inquit Caesarius l. 5. Mir.*  
*10.*) quid de tuo ad caelum reditu  
 sentiret, quo eum pretio si posset,  
 emeret? Ad haec malae fidei posses-  
 sor: si à terra, inquit, ad nubes us-  
 que columna porrigeretur, clavis, cultris,  
 & novaculis, undique praefixa, & ego  
 humanam carne ac membris vestitus, per  
 eam dies noctesque sine intermissione usque  
 ad diem iudicii sursum, deorsum traben-  
 dus essem, id prorsus non recusarem, mo-  
 do in eam quam excidi & gratiam & glo-  
 riam, redire liceret. Et nos delicatu-  
 li pro obrinenda hac immentia gloria  
 aeterna, minimas etiam molestias,  
 subire formidamus! Non nobis co-  
 lonna figitur praecutis armata ferra-  
 mentis, in qua sursum, deorsum ra-  
 prati

prati irrequieto cruciatu laceremur.  
 Non exigit à nobis DEUS, ut omnia  
 omnium Diabolorum tormenta susti-  
 neamus, sed ut solum cœlum ema-  
 mus. DEUS enim mercatorem,  
 agit, D. Augustino præcone, ac inter-  
 prete. Venale est quod habeo, dicit tibi  
DEUS, eme illud. Quid habes venale?  
Requiem venalem habeo, eme illam: præ-  
tium ipsius labor est. Rectè nimirum  
 paupertate Regnum, dolore gau-  
 dium, virtute gloria, morte vita,  
 requies labore emitur. Age, Age;  
 fructus labori amplissimè responde-  
 bit. O si sciretis quantos & quales  
 socios haberetis in cœlis, profectò  
 caveretis vobis ab omni negligentia!  
 dixit excitans nos ad fervorem mor-  
 tuus ille, qui S. Bernardo apparuit.  
 Teste Horstio oper. S. Ber. t. 1. vitæ l. 7. c. 1.

Cœlum tibi est propositum,  
 (inquit S. Chrysostomus in Psal. 124.)

& bona quæ sunt in cœlis : & non perhorrescis esse mollis & ignavus , idque , cùm talem habeas adiutorem ?  
 D E U S Charitas est : Ille te juvat. Ama te juvantem dum pugnas ; & eò magis te juvabit , quò magis amaveris & pugnabis. O quisquis es fidelis Christi Minister , qui in hujus honore præliaris , qui totum te pro Ecclesiæ obsequio , pro animarum subsidio , impendis ! audi ipsumet D E U M , tibi , quod olim alteri fidelissimo sibi servo dicentem : *Noli timere , ego protector tuus sum , & merces tua magna nimis. Gen. 15.* Verè merces magna nimis , propter nimiam scilicet charitatem , quâ dilexit nos , nimis quippè honorati sunt amici tui D E U S , nimis confortatus est principatus eorum. *Eph. 2. Psal. 138.*

Verùm ad magna præmia ( *inquit D. Gregorius. Hom. 37. in Evangel.* )  
 perve-

perveniri non potest, nisi magnos labores. Regnum enim Coelorum vim patitur, nequè coronabitur, nisi qui legitimè certaverit. Delectet igitur mentem, ingens magnitudo præmiorum, sed non deterreat certamen laborum. Imò ipsa promissæ gloriæ magnitudo animi magnitudinem excitet, & ad difficilia quæque, pro D E I gloria lubeunda, Christi Sacerdotem, & Ministrum obfirmer.

Quoties igitur in ipsis Ministeriis Ecclesiasticis aliquid occurrer naturæ durum & asperum, quoties urgebit tentatio aliqua & contra Spiritualia nequitia subeunda erit colluctatio, coelum suspice, & illic Christum regnantem palmas ac coronas manu protendentem intuere; tibi què sæpiùs in mentem revoca quis sit laborum tuorum terminus? quis suscepti Ministerii finis?

Ingens quidem ait S. Grego-  
 rius Nazian. ) nobis curfus propositus  
 est ; cæterum ingentius præmium :  
*In Senten:* Quis enim alius est noster  
 finis , ( *Inquit S. Augustinus lib. ult. de*  
*Civit. DEI c. ult.* ) quàm pervenire ad  
 Regnum , cujus nullus est  
 FINIS.


Pro DEI Gloria, &  
 finali gratia.

*Libri Adam & Eve  
 scripti sacra Auctoritate Apo-  
 stolica Notarij Publici.*



*Guigo*





15 b Goffa 100  
 14 a Bonifa. 11  
 13 b Berwages  
 12 f. Hren: p. 11  
 11 **E. N. a. p.**  
 Galy pryzidze  
 10 b **Stamflaw**  
 9 c Gregori: 11  
 8 b **Boie 100**  
 7 a **Staw: s. 11**  
 6 B Jana w oltu  
 5 f Antora Xam  
 4 **E. N. a. p.**  
 3 b **Staw: s. 11**  
 2 c **Staw: s. 11**  
 1 b **Staw: s. 11**  
 100/ **Staw: s. 11**  
**Manus**

**XXXI.**

Iey Ioan: 2.  
 1/ **Δ 2/08**  
 1/ **Δ 2/08**  
 1/ **Δ 2/08**  
 1/ **Δ 2/08**  
 1/ **Δ 2/08**

